

REFERAT Kommunalbestyrelsi d. 26-01-2021

Mødedato Tirsdag d. 26. januar 2021 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	7
Qaqqami annaassiniarneq.....	8
Nuummi bussit unittarfiini utaqqisarfiit.....	13
Qeqertarsuatsiaat atuarfiannik nakkutilliiartornermit nalunaarusiaq.....	17
Ulluunerani paaqqinnittarfinnut nakkutilliinermi nalunaarusiat.....	21
Aalajangiiffigisassat.....	25
DEG 2021-mi kiffartuussinissamut isumaqatigiissuteqarfigineqarnera.....	26
Nanu Travel 2021-imi kiffartuussinissamik isumaqatigiissuteqarfigineqarnera.....	30
Tasiilaq pillugu tamakkiisumik pilersaarutip inaarutaasumik akuersissutigineqarnera.....	34
2021-mut Eqqakkat pillugit malittarisassiat nutaat.....	38
Sumiiffinnik Aqquserngillu Taaguutaannik Siunnersuisoqatigiit.....	42
Ittoqqortoormiini atuartunut paaqqinnittarfik (AKO).....	46
Kapisilinni atuartunut paaqqinnittarfik (AKO).....	49
2021-mi Suliataq allaaserineqarneri.....	52
Aningaasaqarnermut Inuusutissarsiornermullu Ataatsimiititap angalanera pillugu nalunaarusiaq.....	56
Najukkami Ataatsimiititalianut ileqqoreqqusat allanngortinneqarnerat.....	59
Paamiuni meeqqat ilaqutariillu pillugit isumaginninnermi suliani ataqatigiissaarinnermut suleqatigiis	63
Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqc	67
Piginnittuunermut periusissamik toqqaanissamut inassuteqaat.....	70
Pilersuisup eqqaata asfalterisorneqarnissaanut siunnersuut, Taasilaq.....	75
Kommunalbestyrelsip sinniisussatut allattorsimaffianit tunuarniuteqarneq.....	78
Taasariaqartut allat.....	81
Lukket.....	82
Imaqarniliap akuerineqarnera.....	83

Punkt 0: Saqqaa

Ilaasortat

Charlotte Ludvigsen (IA)
Charlotte Pike (IA)
Uju Petersen (IA)
Harald Bianco (IA)
Inge Olsvig-Brandt (IA)
Storm Ludvigsen (IA)
Knud Mathiassen (IA)
Henrik Rachlev (IA)
Lone Rosengreen Pedersen (IA)
Michael Rosing (Sam)
Nadia Olsen (D)
Justus Hansen (D)
Mala Høy Kúko (S)
Peter Davidsen (S)
Thiiooq Knudsen (S)
Ane Egede Mathæussen (S)
Jens Kristian Berthelsen (S)
Rolf Pike (S)
Lund Kukó (S)

Beslutning

Ataatsimeeqataasut: Charlotte Ludvigsen (IA), Uju Petersen (IA), Inge Olsvig Brandt (IA), Knud Mathiassen (IA), Lone R. Pedersen (IA), Justus Hansen (D), Nadia Olsen (D), Michael Rosing (At), Jens Kristian Berthelsen (S), Peter Davidsen (S), Mala Høy Kuko (S), Ane Egede Mathæussen (S), Thiiooq Knudsen (S), Rolf Pike (S), aammalu sinniisussaq Pipaluk Lynge-Rasmussen (IA)

Oqarasuaatikku: Harald Bianco (IA), Charlotte Pike (IA), Henrik Rachlev (IA) aammalu Lund Kuko (S)

Peqataanngitsoq: Storm Ludvigsen (IA)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput.

Michael Rosing (At) 04O suliarineqarnerani suliamut attuumavallaarnerarluni nalunaarpoq.

Lone Rosengreen Pedersen (IA) 04L suliarineqarnerani suliamut attuumavallaarnerarluni nalunaarpoq.

Charlotte Pike (IA) 04B suliarineqarnerani suliamut attuumavallaarnerarluni nalunaarpoq.

Harald Bianco (IA) 04A suliarineqarnerani suliamut attuumavallaarnerarluni nalunaarpoq.

Punkt 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

Beslutning

2a.

1. Ulloq 5. januaari Nuummi kommunalbestyrelsiq ataatsimiittarfiani najukkami ataatsimiititaliat tamarmik ataatsimeeqatigineqarput. Nuummi Najukkami Ataatsimiititaliaq kommunalbestyrelsiq ataatsimiittarfiani najuulluni peqataavoq. Ataatsimiinnermi Najukkami Ataatsimiititaliat ukiumi 2020-mi angusatik kiisalu 2021-mut aningaasaliissutigisatig saqqummiuppaat. Tassunga atatillugu 2021-mut missingersuutit saqqummiunneqarput, tassanilu suliniutit siunissamilu pilersaarutit attuumassuteqartut borgmesterimit saqqummiunneqarput.
2. Ulloq 6. januaari Katuami Hans Lyngep Inersuaani Timersortartut Ulluat ingerlanneqarpoq. Aaqquissuussit ilanngullugit katillugit 50-it miss. peqataapput. Aaqquissuusaq internetikkut Kommuneqarfik Sermersuup Facebookikkut nittartagaatigut toqqaannartumik aallakaatinneqarpoq. Nersornaatit sisamat tunniunneqarput, tassa Ukioq manna timersullammak, Maligassiuisoq, Suliniuteqartunut kajumissaat kiisalu Immikkut ittumik Nersornaat.
3. Ulloq 9. januaari NGO-nut sivikitsumik isumasioqatigiissitsisoqarpoq. Isumasioqatigiinneq Illorpumi ingerlanneqarpoq, tassanilu peqataapput borgmesteri, kommunalbestyrelsimut ilaasortaq Inge Olsvig Brandt, allaffissornermi sulisut kiisalu NGO-t. Peqataasut katillugit 25-upput, taakkunannga 15-it NGO-t. Ukiumut marloriarluni NGO-nut isumasioqatigiissitsisarnissaq pilersaarutaasarpog.
4. Januarip 18-ani 19-anilu borgmesterip tullersortaata aappaa Tasiilami assigiinngitsunik suliaqarpoq. Ulluni taakkunani kommunip susasaqarfiinut aammalu suleqatigissaanut pularpoq, kiisalu 2021-mut missingersuutit pillugit innuttaasunik ataatsimiisitsilluni. Covid-19 pequtaalluni borgmesterip sivitsortumik Tasiilaliarsinnaasimanginnini pequtigalugu taamannak aaqquisoqarpoq.
5. Nuummi nutaalamik qatserutaasivittaasaaq sanaartorlugu aallartinneqalerpoq. Tamanna malunnartinniarlugu nivaqqaarneq (qallunaatut taasagaattut "Første spadetik") aaqquissuunneqassaaq tamannalu pissaq februarip 4-ani nal. 14.00 sanaartorfissami. Nuuk City Development pisussamut aaqquissuussisuuvoq, borgmesterilu ullup malunnartinneqarnerani peqataanissaminut assut qilanaarpoq.
6. 2021-mi februaarimiit maajimut kommunimi inuussutissarsiornermut siunnersuisoqatigiit pingasut aamma Sermersooq Business suleqatigalugit kommunimi illoqarfinni workshopertitsinissat borgmesterip pilersaarutigai. Tamanna Inuussutissarsiornermut Siunnersuisoqatigiit pingasuusut aallarniuteqarnerat tunngavigalugu nutaamik inuussutissarsiuuteqarneq pillugu periusissiorinissamut atatillugu pissaq. Workshoperni pilersaarutaasuni kommunimi inuussutissarsiuuteqartut peqataatinneqassapput matumanilu siunissami Tunumi, Paamiuni Nuummilu inuussutissarsiuutinut ataatsimut pilersitsinissaq pingaarnertut sammineqassaaq. Ilaatigut illoqarfinni immikkut ammasumik inuussutissarsiuuteqartunut workshopertitsisoqassaaq. Tamanna qaammammi tullermi nalunaarutigineqassaaq.
7. Kommunalebestyrelsiq ataatsimiittarfiani nipi isiginnaarullu atorlugit ataatsimiinnerni attaveqaatit - januaarimi februaarimilu Europami teknikerit atorlutik ikkussuiartorlutik tikinnissaat pilersaarutaasimagaluarpoq. Maanna angalanermut killilersuutit atuuttut pissutigalugit taamaaliortoqarsinnaanngilaq. Taamaattumik atorlutik pilersaarutit malillugit piareersinnaanngillat. Corona pillugu killilersuutit apequtaassapput qanoq kingusinaartigissanersut.

2b.

Uju Petersen, Meeqqanut Ilaqutariinnullu Ataatsimiititami siulittaasoq:

1. Tasiilamat atatillugu siornali Prs. Margrethes børnehjemilli siunertani allanngortimmagu, meeqqanik mikisuinnarnik tiguisalerniarlutik annertuumik inuusuttunut inissivissaaleqineq Tasiilami atuussimavoq, aammami tamanna allani børnehjemmini atuuppoq – inuusuttunut inissivissaaleqineq. Taamatuttaarlu Coronaqalernerup kingunerisaanik sagsbehandlerik Tasiilamat tikisitsisarneq annertuumik ajornartorsiutinngorsimavoq. Ukiariartornerani sagsbehandlerissaaleqineq annertusimavoq aammalu Socialstyrelsimut ikiortissarsioraluaratta tamanna ajornarsimalluni. Maannakkut Unge Center Tasiilami aallartisarpoq, sulili Prs. Margrethe Børnehjemmi atunngisai atorsinnaanerigut suli paasitinneqanngilagut. Taamaattumik Qimarngiviup siunertaa allanngortikkallaqqavarput.
2. Sagsbehandlerit pædagogillu atorfinittut tikerarlutik aallartipput, neriutigaarpullu illoqarfimmut sunniuteqarluarumaartoq. Conni Gregersen aamma Dorthie Kanutsen pikkorissaasoralugit ukiumi 3-sunik pikkorissaqqinneq Kommuneqarfik Sermersuumi sulisutsinnut ippassaq aallartippog. Taamatuttaarlu sulisugut arlaqartut SPS-imiit kalerritsipput Akademi uddannelse som rådgiver i Socialt arbejdimi tigusaasimasut upernaallu ingerlanerani ilinniaqqinnertik aallartissagaat.

3. Suli ulloq unnuarlu angerlarsimaffinnut inissiinissaq pisariaqartarpoq pingaartumik inuusuttuaqqanut pisariaqartitsineq annertuvoq.

Inge Olsvig Brandt, Suliffeqarnermut Isumaginninnermullu Ataatsimiititami siulittaasoq:

1. Suliffeqarnermut Isumaginninnermullu Ataatsimiititami siulittaasup nalunaarutigaa Majoriap illutaa imermit ajoquserneqarsimasoq utaqqiisaasumillu allamik aaqqiissuteqartoqartoq. Tassunga atatillugu ilinniartut allaffimmilu sulisut magasinikumi ininut atorneqanngitsunut nuutsinneqarallarsimapput. Majoriaq nalinginnaasumik ammaqinnissaa 8. februaarimi Jens Kreutzmannip aqputaani ilimagineqarpoq.
2. Suliffeqarnermut Isumaginninnermullu Ataatsimiititami siulittaasup nalunaarutigaa, ataatsimiititami siulittaasoq ingerlatsivillu NGO mini-seminareqarnerani ulloq 9. januaari peqataasimallutik, tassani kommunip aamma NGO't akornanni suleqatigiinneq oqaluserineqarluni. Tassunga assingusumik ukiup affaa qaangiukkaangat ataatsimiittoqartassasoq isumaqatigiissutigineqarpoq.
3. Isumaginninnermut Suliffeqarnermullu Ingerlatsivik pisortanit ikiorsiissutinut suliffissarsiornermut ikiorsiissutinut inatsimmut nutaamut siunnersuutinut, suliffeqanngikkallarnermi ikiorsiissutit pillugit inatsimmut taarsiisussamat akissuteqarpoq. Siunnersuutini pisortanit ikiorsiissutinik suliffeqarnermullu tungasunik qanimut ataqatigiissaarinissamik siunertaqarput. Tamatuma saniatigut pisortanit ikiorsiissutinut inatsimmut nutaamut siunnersuummi innuttaasut pisortanit ikiorsiissutit aningaasannorlugit tigusassagaat oqaatigineqarpoq, ilaqutariilli innuttaasullu arlallit akiligassatigut ajornartorsiorput tapersorsorneqarnissamillu pisariaqartitsillutik. Inatsimmi nutaami innuttaasut aningaasaqarneri aaqqissorneqarsinnaanaviangillat. Tamanna akiligassaqaqalernermit angerlarsimaffeqanngitsullu amerliartornerannik kinguneqarsinnaavoq.

Justus Hansen, Sanarfinermut Avatangiisinullu ataatsimiititami siulittaasoq:

1. Ingerlatsiviup Paamiuni peqataatinneqarnerata nukittorsarneqarnissaa siunertaralugu Paamiuni immikkoortumi aqutsisumik atorfinitsitsisoqarpoq.
2. Peqatigitillugu akuerisaasumik suliffeqarfik innaallagissamik ikkussuinermit suliaqartarpoq Nuummeersoq peqatigalugu atuarfiup nutarternissaa siunertaralugu isumaqatigiissusiortoqassaaq. Suliffeqarfik tassunga atatillugu illoqarfimmi pilersitsissasoq ilimagineqarpoq.
3. Tasiilami inissiat nutaat sananeqarnissaannut sanaartorfigissaanissamat Tasiilami najukkami sanasut isumaqatigiissusiorfigineqarput. Peqatigitillugu suliffeqarfiup taassuma massakut illoqarfimmi inuusuttut kulturikkut illorsuat suliaralugu naammassilerpaa. Qanittumi ammaanersiornissaq ilimagisinnaavarput.
4. Nuummi atuarfiorneq pilersaarut malillugu ingerlavoq piffissaritarlu malinneqarluni. Atuarfiup ammaanersiorneqarnissaanut 2023-p qeqqa suli killigitinneqarpoq.

Michael Rosing, Meeqqanut Atuarfeqarnermullu Ataatsimiititami siulittaasoq:

1. 2021-mi januaarip ulluisa aallaqqaataani Nuummi meeqqeriviit nutaat marluk ammarput. Meeqqeriviit taakku marluk suli atserneqanngillat ataatsimiititamilu ataatsimiinnermi siullermi atsiinissamat aalajangiinissaq ilimagineqarpoq, tamatumalu kingornatigut februaarip ulluisa tallimaanni pisortatigoortumik ammaanersiornermi nalunaarutigineqassapput.
2. 2021-mi januaarip ulluisa 18-iani Qinngutsinni klubbi aamma ammarpoq. Qinngutsinni klubbimik ammaanissaq 2021-mut missingersuutinut isumaqatigiissummi ilaavoq, aallartinneqareneralu sumiiffimmilu inuusuttorpassuarnut iluaqutaavoq nuannaarutaalereerlunilu.

Punkt 3: Ilisimatitsissutit

Punkt 03A: Qaqqami annaassiniarneq

Beslutning

Ilisimatitsissut tusaatissatut tiguneqarpoq.

Qaqqami annaassiniarneq

Qaqqami annaassiniarnermut ilinniartitsissutissat pillugit ilisimatitsissut

Ilisimatitsissut

J.nr.: EMN-2020-00556, Akt ID 3

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Immikkoortumi akisussaaffinnut tunngatillugu, qaqqani annaassiniarnermut ikiuunneq kommunip suliassarinnigilaa. Kisianni kommunip annaassiniarnissamut upalungaarsimasui piffissami sivisuumi immikkoortut allat qaqqani annaassiniarneranni annaassiniaqataasarput.

Qaqqani annaassiniarnerni politiit peqqinnissaqarfillu akisussaasuupput, akornusersimasooq sumiissusersineqarsimanersoq apeqqutaasarluni. Akornusersimasup sumiinnera naluneqanngippat, peqqinnissaqarfik akisussaasuvoq, taavalu sumiinnera ilisimaneqanngippat, politiit akisussaasuullutik.

Kommunip annaassiniarnissamut upalungaarsimasuisa qaqqani navialisartut amerliartornerat maluginiarpaat, taamaalisoqartillugulu Politiniit ikiortiserineqartarput, imaluunniit toqqaannartumik 113-mut sianertoqartarluni. Tamanna pisarpoq Kalaallit Nunaata, tassunga ilanngullugit Nuuk Tasiilarlu takornariarfissatut soqutigineqaleriartornerat ilutigalugu.

Kommunimi Upalungaarsimanissamut Ataatsimiititaliap kommunimi annaassiniarnissamut upalungaarsimasut qaqqani annaassiniartoqartillugu ikiuuttuarnissaannut apeqqut eqqartorpaat innersuussutigalugulu.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani sularineqarpoq, tassanilu Kommunimi Upalungaarsimanissamut Ataatsimiititaliap annaassiniarnissamut upalungaarsimasut qaqqani annaassiniartoqartillugu politiinut ikiuuttuarnissaat naleqquttumillu akuerisamillu annaassiniartartutut pisariaqartumik ilinniagaqarsimanissaat/pikkorissarsimanissaallu akuerineqarpoq, sularlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluserineqarpoq, ataatsimiititalu ilisimatitsissut tusaatissatut tiguaa ima allannguineritallimik: Ittoqqortoormiit siunissaq ungasinnerusoq eqqarsaatigalugu ilanngunneqassasoq, Kommunalbestyrelsimullu ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Inatsit pisussaaffillu

Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinnermi iliuusissat pillugit Inatsisartut inatsisaat nr. 14, 26. maj 2010-meersoq malillugu annaassiniarnissamut upalungaarsimasut suliassaannut malittarisassat tungaatigut ima allasimasooqarpoq:

§ 10. Annaassiniarnissamut upalungaarsimasut ajutoornermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamut, inuit, pigisat avatangiisillu ajoqusernissaannut isumannaatsumik suliniuteqarsinnaassapput. Annaassiniarnissamut upalungaarsimasut aamma qimarngussat navialisullu allat tigooqqarneqarnerini, inissikkallarneqarnerini isumassorneqarnerinilu isumaginninnermi oqartussaasunut ikiuuttassapput.

Kiisalu § 10, imm. 2-mi allassimavoq, SAR-imi suliassat aamma peqqinnissaqarfiup pinasuartumik angallassineri ilaatinneqanngitsut.

Inatsit naapertorlugu taamaasilluni qaqqani annaassiniartarneq kommuniq annaassiniartartut upalungaarsimasuisa akisussaaffiginnigilaat.

Kisianni inatsit naapertorlugu kommuniq annaassiniarnissamut upalungaarsimasui immikkoortut allat suliassanik naammassinninnissaannut ikiuunnissamut pisussaaffeqarput.

§ 10, imm. 3 naapertorlugu Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommuniq allap, Statens Lufthavnsvæsen-ip (RCC), Grønlands Kommando-p (MRCC) imaluunniit politiit tamatuminnga kissaateqarnerat tunngavigalugu pisariaqartunut ikiuutissapput.

Maannakkut inissisimaneq

Allaatigineqareersutut takornariaqarneq Nunatsinnilu unnuisartut amerliartorput. Politiit naapertorlugit 2013-imiit 2017-imut qaqqani navialisut 7-iniit 23-nut amerlisimapput, taakkunannga kommuniq annaassiniarnissamut upalungaarsimasui politiinut ikiuussimapput. Assigiinngitsutigut ikiuisoqarsimavoq suliassap suunera apeqqutaatillugu.

Akiutinik annaassiniarneq

Amerlanertigut, qaqqani annaassiniarneq pineqartillugu, inuk ataaseq, qaqqami navialisimasoq, nammineerlunilu ammuksarsinnaanngitsoq pineqartarpoq. Taamaalisoqartillugu annaassiniarnissamut upalungaarsimasut inuk akiutinik aasariaqartarsimavaat. Matumani qaqqami annaassiniarnerinnaq pineqarnavianngilaq, kisianni annaassiniarneq qaqqami ingerlanneqarpoq.

Ullumikkutut itsillugu amerlanerpaatigut, annaassiniarnissamut upalungaarsimasut qaqqani annaassiniartuusarput. Annaassiniarnissamut upalungaarsimasut annaassiniarnermi suliaqarnissaannik naatsorsuuteqarnermut aamma ajornartuulernermi kalerrisaarisoqarneranut attuumassuteqartinneqartarpoq, amerlanertigut 113 toqqaannartumik sianerfigalugu, ikittuinnaallu politiit annaassiniarnissamut upalungaarsimasunik ikiuukkiartoqqusisarlutik.

Allunaasalerluni qaqqami annaassiniarneq

Pisuni allani qaqqani annaassiniarnermi allunaasaq atortariaqartarpoq, imaappoq ilaatigut innarsiortoqartariaqartarluni. Pingaartumik taamatut navialisoqartillugu ilinniarsimasunik sulisoqarnissaq pisariaqartarpoq, inuunerminnik navianartorsiortitsinnginniassammata, illersorneqarsinnaasumillu suliaqarsinnaaniassammata.

Maannakkuugallartoq upalungaarsimasuni qaqqani annaassiniarnermik suliaqartartut sisamaapput, taakkunannga ataaseq kisimi innarsiornermik misilittagaqartuulluni. Imaappoq, upalungaarsimasut suliassap isumaginissaanut inuk ataaseq pinngitsoorsinnaanngilaat. Taamaattumik innersuussutigineqarpoq, Nuummi inuit qulit tikillugit ilinniartinneqarnissaat pigiinnarneqarnissaallu qulakkeerneqassasoq, Tasiilami Paamiunilu inuit arfinillit tikillugit.

Navialisoqarnerani allunaasamik atuinissaq/imaluunniit innarsiornissaq pisariaqartillugu, qaqqami annaassiniarneq pineqassaaq. Ullumikkut suliassat tamakkua suleqatigiinnit isumagineqartarput, taakkunannga ataaseq kisimi Nuummi qatserisartoq suliassamut ilinniarnikuuvoq.

Snescooteri atorlugu qaqqami annaassiniarneq

Ukiuunerani upalungaarsimasut aamma suliassaqaartaqaat, snescooterimik atuisariaqarlutik. Aamma ukiukkut qaqqani pisuttuartaqartarpoq, tassungalu uiggiullugu snescootererpassuit angallattarput. Upalungaarsimasut aamma snescooterit atorlugit politiiniit ikiuukkiartoqquneqartarput.

Upalungaarsimasut taamatut qaqqani annaassiniartunut ikiuuttuartaqartarpoq, atortorineqartut pitsaasuunissaat pisariaqarlunnartuuvoq. Matumani pineqarput snescooterit, taakkununga ilanngullugit inuttut isumannaallisaneermut atortorineqartut.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup innersuussutigaa immikkoortunit allanit naatsorsuutigisamik pisussaaffiup attatiinnarneqarnissaa, pingaartumik politiiniit peqqinnissaqarfimmiillu, kommunip annaassiniarnermi upalungaarsimasuisa qaqqami annaassiniarnermi ikiuuttarnissaat, innarsiorneq atorlugu atornagulu.

Sulisut ilinniarluarsimasut

Qaqqami annaassiniartarnerup upalungaarsimasunit immikkoortumi akisussaaffigineqannginnera tunuliaqutaralugu, kisiannili upalungaarsimasut eqqortunik atortorissaaruteqarpata aatsaat ikiuussinnaanerit eqqarsaatigalugu, suliassaqarfimmi tassani sulisut ilinniartitaanissaat sallerstaatinneqarsimannigilaq.

Suliassaqarfiup isumaginera ingerlatiinnarnissaa aalajangiiffineqassappat, ilinniarsimasunik sulisoqarnissarput qulakkeertariaqarparput - aamma ungasinnerusoq eqqarsaatigalugu.

Sulisut ilinniarluarsimasut illersorneqarsinnaasumik suliassamik suliqaarnissaq qulakkiissavaat, sulisut nalussanngilaat inuk navialisimasooq qanoq passuttariaqarnerooq, naggataatigullu sulisut peqqussutigineqartunik suliarinninnissaannik piareersarlugit.

Tamanna erseqqilluinnartumik ima isumaqarpoq, upalungaarsimasut sulisuminnut naleqquttunik ilinniakkanik pisarialinnik pikkorissarnernik neqeroorteqarsinnaasariaqarput, taamaasilluni upalungaarsimasut pisunut sulisutta navialisinnaanerannik kinguneqartunik illersorneqarsinnaasunik suliqaarsinnaanissaat naammassiumallugu.

Aningaasatigut sulisoqarnikkullu naliliineq

Sulisut, qaqqani annaassiniarnermi Politiinik ikiuartortarnissamik illersorneqarsinnaasumik ilinniartinneqarnissaat siunertaralugu taamaasilluni suliassamik suliarinnittoqassammat qatserisartorlu imminut illersorsinnaaqullugu aalajangernermi pineqarmat, kommunimi qaqqani annaassiniarnermut upalungaarsimasut aningaasaliiffigineqarnissaat pisariaqarpoq.

Sulisunik ilinniartitsisoqassaaq, taamaasilluni suliassat isumaginissaannut naammattunik peqarniassagatta, upalungaarsimasullu inunnik ataasiakkaanik pisariaqartitsinnginniassammata. Qaqqami annaassiniarnermut ilinniartitaanerup saniatigut aamma sungiusarnermut atugassanik aningaasaliissuteqartoqartariaqarpoq.

Naggataatigut eqqarsaatigineqartariaqarpoq atortunik nutaanik pisisoqarnissaa imaluunniit atortut ilaneqarnissaat ataavartumillu aserfallatsaaliornissaq.

Ilinniartitsisoqarnissaanik suliassap aningaasaqarneq ilanngullugu qulaajaasoqarnissaanut siullermik upalungaarsimanermut tunngatillugu immikkoortumut pilersaarummi sanaartugassanut missingersuutinit akilerneqarnissaat naatsorsuutigineqarpoq.

Suliassap inaarutaasumik aningaasartai kommunip upalungaarsuisuinut kommunip immikkoortumut pilersaarutaanut ilanngunneqassapput. Immikkoortumut pilersaarut 2021-imi politikikkut saqqummiunneqarumaarpoq.

Inatsisitigut tunngavissaq allakkallu tunngaviusumik uppernarsaatitalit

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Ingerlariaqqinnissaq

- Ilinniartitsinissamut suliniutip qulaajarneqarnissaa
- Sulisut pikkorissarneqarnissaat
- Atortunik nutaanik pisinissap ilaterinissallu qulaajarnissaat

Aningaasaqarnermut Allatseqarfimmit oqaaseqaatit

Aarutaasumik aningaasartai kommunip qaqqami annaassiniarnissamut upalungaarsuisuinut kommunip immikkoortumut pilersaarutaanut ilanngunneqassapput.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangiinerit

Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:

Inassuteqaat akuersissutigineqarpoq ima oqaasertalerlugu, Ittoqqortoormiit siunissaq ungasinnerusoq eqqarsaatigalugu ilanngunneqassasoq.

Aningaasaqarnermut Inuusutissarsiornermullu Ataatsimiititap 10. December 2020-mi aalajangerina:

Inassuteqaat tusaatissatut tiguneqarpoq, ima allannguinentitalimmik: Ittoqqortoormiit siunissaq ungasinnerusoq eqqarsaatigalugu ilanngunneqassasoq.

Ilanngussat

Soqanngilaq.

Punkt 03B: Nuummi bussit unittarfiini utaqqisarfiit

Beslutning

Ilisimatitsissut tusaatissatut tiguneqarpoq.

Bilag

Bussit unittarfiini illuaqqat assigiinngitsut nutaat_Suussusaa Moment

Bussit unittarfiini illuaqqat nutaat_Suussusaa Træmiljø

Nuummi bussit unittarfiini utaqqsarfiit

Utaqqisarfinnik misiligutinik pisinissaq, misiliinissaq.

Ilisimatitsissut

J.nr.: ANL-2020-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Bussit unittarfiini utaqqsarfiit pissusissamisoorumik taarsersorneqarnissaannut ilanngullugu illuaqqanik arfinilinnik assigiinngitsunik angissusilinnik isikkulinnillu pisisoqassaaq, taakkulu issittumi silaannarmut naleqquttuunersut misilerarneqassapput. Illuaqqat LED-nik qullilersorneqassapput, aammalu ilaasut toqqissimanerulernissaat ingerlatitsisullu malinnaalluarnissamut periarfissaqarnerunissaannut siuarsaataassallutik.

Suliaq Sanarfinermut Avatangiisinullu Ataatsimiititap decembarip 07-ianni 2020-imi ataatsimiinnerani oqaluuserineqarpoq, ataatsimiitillu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutit ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiitillu inassuteqqat akuersissutigaa, suliarlu Kommunalbestyrelsimullu ilisimatitsissutit ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Bussit unittarfiini illuaqqat pioreersut qullilersugaanatillu serlersaarfigineqartarput. Nalinginnaasumik illuaqqat qalipaatinik serlersaarfigineqartarput, angalaffissat piiaarneqartarput, aammalu ikkat quttaaffigineqartarlutik. Illuaqqat qullilersorneqarnissaat kissaatigineqarpoq, ilaatigut toqqissimanerulersitsinissaq aammalu serlersaariserit ikilisinneqarnissaat siuarsarniarlugu, peqatigitilluguli ingerlatitsisut illuaqqani ilaasussanik suli utaqqisoqarneris takusinnaaniassammassuk. Illuaqqanik maannakkut ajornakusoortumik eqqiaaniartarneq ilusaatigut ajornannginnerulersinniarneqarpoq.

Illuaqqanik assigiinngitsunik marlunnik neqerooruteqartitsisoqarpoq, tuniniaasumit ataatsimit isikkui marluk pingasuullutik, Norfax AS, *'Moment'* aamma *'Træmiljø'*.

Illuaqqat angissusii assigiinngitsut qanoq atorluarneqarsinnaanersut misilinneqarnissaat pilersaarutaavoq, illuaqqallu nutaat inissisimaffiini silap qanoq inneranut misilerarnerisigut, nalinginnaasumik aserfallakkiartortarneq eqqarsaatigalugu qanoq sivilisutigisumik atasinnaanersut qanorlu silaannarmik sunnerneqartigisarnersut paasineqarsinnaavoq.

Type 1; *'Moment'*

Pingasunik talulik aluminiumik qisunnik qalikkannik, igalaaminernik ninngusuunik suliat toqqaviilu ilusaanut naleqqussakkat. Illuaraq pingasunik matoqqasunik taloqassaaq, tunuatigut isuisigullu.

- Silataata angissusaa: takissusaa: 3.15 m x 1 m x 1.94 m.
- Silataata angissusaa: takissusaa: 3,7 m x 1,4 m x 0,15 m.

Atortut

- Inunnut marlunnut issiaffissalik.
- Eqqaavik, 70L, toqqavimmut maggusaaq.
- Qullit-LED-mik qaamanillit pisiarinqarsinnaapput.

Type 2; 'Træmiljø'

Illuaraq pingasunik talulik qisunnik aanaveersakkanik qalligaaq, ninngusuunik igalaalik toqqavii naleqqussakkat. Illuaraq tamakkerlugu matoqqasooq, saava ammasooq.

- Silataata angissusaa: takissusaa: 3.67 m x 1.4 m x 1.94 m.
- Silataata angissusaa: takissusaa: 3,9 m x 1,5 m x 0,15 m.

Atortut

- Issisarfia.
- Eqqaavik 100L isuanut maggusaaq.
- Qullit-LED-mik qaamanillit pisiarinqarsinnaapput.

Aaqqiissutissatut siunnersuut – suliatigut naliliineq

Nuup Bussii aamma Kommuneqarfik Sermersooq ataavartumik ataatsimeeqatigiittarput, taakkunanilu aserfallatsaaliinermut, eqqiaanermut, serlersaarinermit allanullu tunngatillugu ajornartorsiutit assigiinngitsut saqqummiunneqartarput eqqartuiffigineqarlutillu, ajornartorsiutaasullu anigorniarneqarnissaanut tunngatillugu illuaqqat qullilersukkat, ammasut akimut ersittut pigineqalerpata iluaqutaasinnaasooq nalilerneqarpoq.

Aningaasatigut sulisoqarnikkullu naliliinerit

Ataatsimoortumik sanaartugassatut pingaarnersiuiinermi pisineq, assartuineq ikkussuinerlu ilanngullugit 1 mio. kr.-ingorlugit akeqassapput sanaartugassanullu missingersuutit iluanneereersunit akilerneqarsinnaallutik. Illuaqqanut neqeroorut norskit aningaasaataannik malillugit neqeroorutaavoq aammalu Norgeminngaanniit assartorneqarnissaat ilanngunneqanngilaq.

Illuaqqat pingasut 'Moment'; 281.600 NOK (~195.000 DKK)

Illuaqqat pingasut 'Træmiljø'; 279.000 NOK (~194.000 DKK)

Inatsisitigut tunngavissaaq allakkallu tunngaviusumik uppersaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq

Ingerlariaqqinnissaaq

Illuaqqat decembarip qiteqqunnerani pisiarinqassapput, taavalu qanoq siviutisumik suliarineqarnissaat assartorneqarnissaallu apeqqutaalluni illuaqqat Nuummumut apuuteriarpata ikkussuunneqarumaarput. Illuaqqat sumiiffinnut anorlernerpaaffiusartunut aputeqarneranilu apiffiunerusartunut inissinneqassapput, silap pissusaanut qanoq naleqqiullugit qanoq attartutiginersut misileraaffiginiarlugit.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqartitsisoqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititap decembarip arfineq aappaanni 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

1. Bussit unittarfiini illuaqqat assigiinngitsut nutaat_Suussusaa Moment
2. Bussit unittarfiini illuaqqat nutaat_Suussusaa Træmiljø

Punkt 03C: Qeqertarsuatsiaat atuarfiannik nakkutilliarturnermit nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Qeqertarsuatsiaat atuarfiannut nakkutilliarturnermit nalunaarusiaq

Qeqertarsuatsiaat atuarfiannik nakkutilliiartornermit nalunaarusiaq

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Meeqqat atuarfiat pillugu inatsit malillugu Meeqaat atuarfiat pillugu Inatsisartut inatsisaat nr. 15, 3. december 2012-imeersumi § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliiartussaapput.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliiartortarnissaq siunniunniukuuaa.

Septembarip ulluisa pingajuanni 2020 Atuarfeqarnermut immikkoortortaq Qeqertarsuatsiaat Nunaqarfimmi atuarfiannik nakkutilliiartorpoq.

Suliaq Meeqqanut Atuarfeqarnermullu Ataatsimiititami 04. decembari 2020-imi oqaluuserineqarpoq, ataatsimiititap ilisimatitsissut tusaatissatut tiguaa suliarlu Aningaasaqarnermut Inuussutissarsiornermullu Ataatsimiititamat aamma Kommunalbestyrelsimut ilisimatitsissutit ingerlateqqillugu.

Suliaq Aningaasaqarnermut Inuussutissarsiornermullu Ataatsimiititami 10. Decembari 2020-mi oqaluuserineqarpoq, ataatsimiititap ilisimatitsissut tusaatissatut tiguaa, suliarlu Kommunalbestyrelsimut ilisimatitsissutit ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Qeqertarsuatsiaat atuarfiannik nakkutilliiartorsimanermit nalunaarusiaq tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivik Qeqertarsuatsiaat atuarfiannik nakkutilliiartorsimavoq. Atuartut 15-iupput 1-7 klassinut agguataakkat. Ilinniartitsisut marluk atorfeqarput, atuarfimmili pingasunik ilinniartitsisoqarnissaa allassimavoq. Tiimilærerimik sapinngisamik piaartumik atorfinitsitsisoqarnissaa naatsorsuitigineqarpoq. Ukioq atuarfiusoq 2019/2020-mi atuarfiup ningiua piffissani siviluunni ilinniarsimasutut sulisarpaq, taamaattumillu atuartitsinerinnaq pinnagu pilersaarutit avataasigut suliaqartariaqartarluni.

Nakkutilliiartornerup nalaani paasineqarpoq, atuartitsinissaq eqqarsaatigalugu inatsit malinneqartoq aammalu atuartut inatsisini piumasaqaatit naapertorlugit atuartinneqartut.

Atuarfik sapinngisamik piaartumik ukiumut atuarfiusumut 2020/2021-mut ukiumoortumik pilersaarutiniq suliaqassaaq, taamatullu tamanut iliuusissatut pilersaarutit suliarineqassallutik. Tamakkua suliarineqarsimannginnerinut pissutaavoq, atuarfiup ningiuaata suliassat allat suliarisariaqarnerisa saniatigut atuartitsisariaqartarnera, ilinniartitsisup ukioq manna septembarip aallaqqaataanni 2020-mi atorfinittussap utaqqisariaqarsimanagera ilanngullugu.

Ukiuumut atuarfiusumut 2019/2020 atuarfimmi Angusakka ingerlanneqanngitsoorsimapput, tassaallutik ilikkagassatut anguniagassani atuartut namminneq angorusutaannik nalilersuinerit. Taanna klasselærerip akisussaaffigisaanik iliuusissatut pilersaarusiornikkut ilusilersorneqartarpoq, atuartullu ilinniartitsisuni suleqatigalugit ikinnerpaamik atuarfiup/angerlarsimaffiullu oqaloqatigiinnissaat sioqqullugu suliaassaralugu. Atuarfinni angajullernik atuartoqartuni iliuusissatut pilersaarummut aamma ilaassapput atuartup ilinniaqqinnissaminik kissaatigisai.

Tassunga atatillugu ukiup affakkaartumik atuarfiup/angerlarsimaffiullu oqaloqatigiittarnissaannik piumasaaqat aamma malinneqarsimanngilaq. Tamatumunnga aamma pissutaavoq, atuarfiup ningiua ukiuq atuarfiusoq tamakkerlugu kisimiiginnavissimammat, ilinniartitsisut taarseraannerat pissutigalugu.

Aaqqiissutissatut siunnersuut – suliatigut naliliineq

Atuarfeqarnermut immikkoortortap nalilerpaa, atuarfik Meeqaat atuarfiat pillugu Inatsisartut inatsisaat nr. 15, 3. december 2012-imeersoq naapertorlugu ingerlanneqartoq, atuartullu inatsimmi piumasaaqatit naapertorlugit atuartinneqartut.

Atuarfiup ningiuanut uparuaatigineqarpoq, klassit tamarmik ukiumoortumik pilersaarusiortifigineqarlutillu iliuusissatut pilersaarusiortifigineqassasut.

Ukiup affakkaartumik atuarfiup/angerlarsimaffiup oqaloqatigiittarnissaat ingerlanneqartassapput, taamatullu Angusakka pillugit oqaloqatigiittoqartassalluni.

Ilinniartitsisutut ilikkartitsinissaq qulakkeerniarlugu, piffissaalluarallartillugu atuarfimmi ilinniartitsisut amerlassusissaat naapertorlugit ilinniartitsisunik atorfinitsitsisoqassaaq.

Atuarfinnut siunnersortit siunissami atuarfiup ningiua qaammatit tamaasa ataatsimeeqatigisalissavaat nakkutilliiartornermi nalunaarusiami suliaasaqarfiit taaneqartut malinnaatitsiffiginiarlugit.

Ilinniartitsisut pikkorissartinneqarnissamik neqeroorfigineqartariaqarput, atorfimminnut naleqquttunik piginnaasaqalerniassammata - pingaartumik piginnaasat malillugit atuartitsinernut tunngatillugu. Taavalu aamma Tabulex atulerneqassaaq. Atuarfinnut siunnersortit taassuma atuutilersinneqarnissaanut atuarfinnut ikiuutissapput.

Meeqqanut Atuarfeqarnermullu Ingerlatsiviup atuarfiup ningiuanut aqutsisutut ineriartornermut pikkorissarnissaanik neqerooruteqassaaq, taamaasilluni piginnaasani nutarterniassammagit.

Aningaasatigut sulisoqarnikkullu naliliinerit

Aningaasaqarnikkut sulisoqarnikkullu naliliisoqanngilaq.

Inatsisitigut tunngavissaq allakkallu tunngaviusumik uppernarsaatitalit

- Atuarfik pillugu Inatsisartut inatsisissaat nr. 15, 3. december 2012-imeersoq
- Atuarfimmi naliliisarneq uppernarsaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Qeqertarsuatsiaat atuarfiannut nakkutilliiartornermit nalunaarusiaq

Ingerlariaqqinnissaq

Meeqqanut Atuarfeqarnermullu Ingerlatsiviup anguniarpaa, ukiumut ataasiarluni atuarfinnut nakkutilliiartortoqartassasoq.

Tullianik Qeqertarsuatsiaat tikinneqarnissaat 2021-imi ukiakkut pissasoq pilersaarutaavoq.

Tassunga tunngatillugu atuarfimmi sulisut pikkorissarnissanut pisarialinnut neqeroorfingineqartarnersut pillugit ingerlatsivik malinnaajuarniarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit

Meeqqanut Atuarfeqarnermullu Ataatsimiititap 04. decembari 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap. 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

1. Qeqertarsuatsiaat atuarfiannut nakkutilliiartornermit nalunaarusiaq

Punkt 03D: Ulluunerani paaqqinnittarfinnut nakkutilliinermi nalunaarusiat

Beslutning

Ilisimatitsissut tusaatissatut tiguneqarpoq.

Bilag

Meeraaqqerivik Meeraq pillugu nakkutilliinermi nalunaarusiaq

Meeqqerivik Mike pillugu nakkutilliinermi nalunaarusiaq

Ulluunerani paaqqinnittarfinnut nakkutilliinermi nalunaarusiat

Paamiuni ulluunerani paaqqinnittarfiit Meeraq aamma Mike

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Meeqqanut Atuarfeqarnermullu Ingerlatsivimmi ulluunerani paaqqinnittarfiit nakkutigineqarneri Ulluunerani neqeroorutinut immikkoortortamit perorsaanermut siunnersortinit isumagineqassaaq.

Perorsaanermut siunnersortit ulloq 23. juuli 2020-mi Paamiuni meeraaqqerivik Meeraq aamma meeqqerivik Mike nakkutigiartorpaat.

Suliaq Meeqqanut Ilaqutariinnullu Ataatsimiititami 04. decembari 2020-mi oqaluuserineqarpoq, ataatsimiititap ilisimatitsissut tusaatissatut tiguaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititami 10. decembari 2020-mi oqaluuserineqarpoq, ataatsimiititap ilisimatitsissut tusaatissatut tiguaa, suliarlu Kommunalbestyrelsimut ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Ulluunerani neqeroorutinut immikkoortortaq Paamiuni ulluunerani paaqqinnittarfinnut marlunnut nakkutiginnikkiartorpoq, tassaasunut meeraaqqerivik Meeraq aamma meeqqerivik Mike.

Meeraaqqerivimmi Meeqqami meeqqat 46-nut amerlassusiligaapput kiisalu sulisut 16-inut amerlassusiligaallutik, taakkunannga marluk tassaallutik pisortaq pisortallu tullia. Meeraaqqerivik ulloq 30. oktobari 2020-mi 39-nik meeraateqarpoq.

Meeqperivimmi Mikemi meeqqat 66-inut amerlassusiligaapput sulisullu 14-inut amerlassusiligaallutik, taakkunannga marluk tassaallutik pisortaq pisortallu tullia. Meeqperivik ulloq 30. oktobari 2020-mi 57-inik meeraateqarpoq.

Nakkutilliinermi paasineqarpoq, meeqqerivinni marluusuni perorsaaniikkut ukiumut pilersaarutini sulinerminni najoqqutaqartut, ilaatigut ullut pisussat pilersaarusioneqartarlutik. Tamatumunnga peqatigitillugu inini ataatsimiinnerni sammisassanik pilersaarusiortoqartarpoq.

Aammattaq perorsaaneq timersornertalik sammineqartarpoq, ilaatigut meeqqat timimik atornissaannut ilinniartarlutik. Meeqqami perorsaaniikkut tunngaviusut arlallittaaq tunngavigalugit sulisoqarpoq, ilaatigut meeqqat inuttut ineriartornerat, timaat aalanerallug, namminersornerat, pinngortitamik ilisimasaqarnerat, iliuuseqarsinnaanerit, oqaasii inooqataanerilu kiisalu angajoqqaanik suleqateqarneq atuarfimmullu ikaarsaernerit nukittorsarneqarlutik. Ulluunerani paaqqinnittarfinni marlunni qinngasaarisarneq akiorniarlugu suliniut Kammagiitta atorneqarpoq.

Tamatuma saniatigut paaqqinnittarfinni misissuinermit atortut ineriartornerlu pillugit allaaserisat atorneqarput, ilaatigut meeqqat ineriartorneranik nassuiaatitut atorneqarlutik. Aamma taanna angajoqqaanik ukiup affakkaarlugit oqaloqateqarnermi atorneqartarpoq, tassanilu atortut atorlugit meeqqat ineriartornera qanoq pitsanngorsarneqarsinnaanersoq pillugu angajoqqaanik oqaloqateqartoqartarluni. Angajoqqaanik suleqateqarneq pingaartinneqangaarpoq, aamma nakkutilliinerup nalaani qanimut pitsaasumillu suleqatigiinnertut ingerlanneqartoq taaneqarluni, ilaatigut angajoqqaat oqaloqatiginninnissamik pisariaqartitsigunik aqutsisumut saaffiginnissinnaajuaannarlutik.

Nakkutilliinerutaaq nalaani ulluunerani paaqqinnittarfiit marluusut akornanni aqutsineq ingerlatsinerlu pitsaasoq ataqatigiissarluugaasorlu oqaatigineqarpoq. Paaqqinnittarfiittaaq nassuiaatigaat kommunip perorsaanermit siunnersortai pitsaasumik qanimullu attaveqarfigneqartartut, tamatumalu taamaaginnarnissaa naatsorsuutigineqarluni.

Aammattaq oqaatigineqarpoq perorsaasunut angajoqqaanullu paasissutissat pingaarnepaat paaqqinnittarfiit isaariaasa eqqaanni ersarissumik allagarsiivimmiitinneqartartut.

Aaqqiissutissatut siunnersuut – suliatigut naliliineq

Paaqqinnittarfiit perorsaaniikkut ukiumut pilersaarutit sammisassaqartitsinermullu pilersaarutit malillugit ingerlasut Meeqqanut Atuarfeqarnermullu Ingerlatsivimmit nalilernerqarpoq. Tamatuma saniatigut meeqqat angajoqqaallu iluaqutigisaannik ineriartortitsinissamut atortussat paaqqinnittarfinniit atorneqartarput.

Paaqqinnittarfiit marluusut illutai tamarmik nutaanngilisimapput, taamaammallu pitsanngorsarlugillu iluarsaattariaqarsinnaallutik. Meeqqerivik Mikemi pequtit arlallit taarserneqartariaqaraluarput. Maannakkut paaqqinnittarfinni meeqqat aalasarnissaannut inissanik anginerusunik pisariaqartitsipput.

Tamatuma saniatigut meeqqerivik Mikemi pinnguarterfik iluarsartuunneqartariaqarlunilu pitsanngorsartariaqarpoq.

Napparsimalluni sulinngitsoortarnerit pillugit oqaloqateqartarnerit aqutsisunit aallunneqarnerulerput, kingunerisaanillu sulisut aalajaannerulerput. Maannakkut taartissanik pisariaqartitsinerit taama annertutigiunnaarput.

Pikkorissarnerit, piginnaanngorsarnerit ilinniaqqinnerillu kiisalu suleqatit akornanni sulianut tunngatillugu oqaloqateqartarnerit amerlanerusut paaqqinnittarfinni marluusuni sulisut akornanni piumanearput. Ukiuni kingullerni marlunni sulisut ilinniartitaanissaat ingerlatsivimmit ukkatarineqarput, ilaatigut sulisut ilinniarsimangitsut pingaarnersioneqarlutik.

Tamatuma saniatigut Paamiunut pilersuineq peqqutaalluni nioqqutissanik atortussianillu uninngasuuteqarneq eqqarsaatigalugu (ass. nangit, aaqqatit, qaqorsaait il. il.) paaqqinnittarfinni

peqqumaataasiveqarnissaq pisariaqassaaq, ajornangippat qaammammut ataatsimut naammattumik. Taamaangippat pilersuineqanngitsuussagaluarpat tamakkua amigaatigineqaratarsinnaapput.

Aningaasatigut sulisoqarnikkullu naliliinerit

Ingerlatsivik Paamiunut oktobari 2020-mi sulinermut atatillugu angalavoq. Tamatumunnga atatillugu pisortat marluusut missingersuutit pillugit ataatsimeeqatigineqarput. Tamatumunnga atatillugu pequtit nutaanngilisimasut taarsersoriartuaarnissaat innersuussutigineqarpoq. Aammattaaq ilisimatinneqarput pisiniartarnitik pingaarnersiorsinnaagaat, taamaalillutik ukiumut naatsorsuutit inaarutaasut takkuppata atuinerunertut isikkoqassanngillat.

Inatsisitigut tunngavissaq allakkallu tunngaviusumik uppermarsaatitallit

- Inatsisartut inatsisaat nr. 16, 3. december 2012-imeersoq.
- Meeraaqqerivik Meeraq pillugu nakkutilliinermi nalunaarusiaq
- Meeqqerivik Mike pillugu nakkutilliinermi nalunaarusiaq

Ingerlariaqqinnissaq

Meeqqanut Atuarfeqarnermullu Ingerlatsiviup meeraaqqerivimmi Meeqqami ikuallattoqartillugu sungiusarnermik ingerlatsissasut innersuussutigivaa.

Paaqqinnittarfinni tamani sulisunik pikkorissartitsinissanut pilersaarusionerit nangingneqassapput, taamaalillutik Covid-19-imut tunngatillugu killilersuinerit atorunnaarpata pilersaarutit atorsinnaalerniassammata.

Paamiuni nakkutilliineq tulleg 2021-mi pissaaq.

Aningaasaqarnermut Allatseqarfimmit oqaaseqaatit

Pisariaqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Pisariaqanngilaq.

Siusinnerusukkut aalajangernerit

Meeqqanut Atuarfeqarnermullu Ataatsimiititaq 04. decembari 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 10. Decembari 2020-mi aalajangiinera:

Ilisimatitsissut tusaatitugit tiguneqarpoq.

Ilanngussat

1. Meeraaqqerivik Meeraq pillugu nakkutilliinermi nalunaarusiaq
2. Meeqqerivik Mike pillugu nakkutilliinermi nalunaarusiaq

Punkt 4: Aalajangiiffigisassat

Punkt 04A: DEG 2021-mi kiffartuussinissamut isumaqatigiissuteqarfigineqarnera

Beslutning

Harald Bianco (IA) ataatsimiinneq qimappaa.

Inassuteqaatit akuersissutigineqarput ilassutigineqarlunilu kvataalikkaartumik nalunaarusiat Aningaasaqarnermut Inuussutissarsiornermullu Ataatsimiititamut nassiunneqartassasut.

Bilag

DEG-p aamma Kommuneqarfik Sermersuup akornanni 2021-mi kiffartuussinissamik isumaqatigiissutissaatut siunnersuut.

Kiffartuussinissamik isumaqatigiissummut ilanngussaq

2020-mi kvartalip pingajuannit nalunaarusiaq

DEG 2021-mi kiffartuussinissamut isumaqatigiissuteqarfigineqarnera

Aalajangiiffigisassaq

J.nr.: EMN-2021-30059

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersooq kiffartuussinissamik DEG-mik isumaqatigiissuteqarpoq, taanna Tasiilami eqqaanilu takornariaqarnerup iluani ineriartortitsinermik sulianik isumaginnittuussaaq.

Kiffartuussinissamik isumaqatigiissut manna januaarip aallaqqaataaniit decembarip naaneranut atuuttuuvoq, ukiullu naanerani atorunnaartussaalluni.

Ukioq 2021-mut kiffartuussinissamut aningaasaliissutit 574.000 koruunit sisamariarlugit aningaasaliissutigineqassapput.

Ukiuumoortumik naatsorsuusiorneq pillugu inatsit naapertorlugu ukiumoortumik naatsorsuutit 2018-imut 2019-imullu tunngasut DEG-mit tunniunneqanngillat. Allaffeqarfimmit naatsorsuutit aatsaat pineqarpata kiffartuussinissamut aningaasaliisoqarnissaa inassuteqaatigineqarpoq.

Suliaq Aningaasaqarnermut Inuussutissarsiornermullu Ataatsimiititap ulloq 14. Januaari 2021-mi ataatsimiinnerani oqaluserineqarpoq, ataatsimiitillu inassuteqaat akuersissutigaa suliarlu Kommunalbetyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Kommuneqarfik Sermersuup aamma Aningaasaateqarfik Destination East Greenlandip 2021-mi kiffartuussinissamut isumaqatigiissutaat akuersissutigineqassasoq
- kiffartuussinissamut aningaasaliissutit 2018-imut aamma 2019-imut naatsorsuutit pineqarpata aatsaat aningaasaliissutigineqassasut.
- ukiuni taaneqartunut naatsorsuutit kukkunersiuisunit akuersissutigineqarsimasut aggustip aallaqqaataani 2021-mi pineqarsimanngippata kiffartuussinissamut isumaqatigiissummut aningaasaliissutissatut naatsorsutigineqarsimasut sammisassanut allanut assinganik siunertalinnut atugassiissutigineqassasut

Suliassamik saqqummiussineq

Kommuneqarfik Sermersooq kiffartuussinissamik DEG-mik isumaqatigiissuteqarpoq.

Isumaqatigiissut pineqartoq Tasiilami eqqaanilu takornariaqarnerup iluani ineriartortitsinermik sulianik isumaginninnissamut tunngassuteqarpoq.

Maanna kiffartuussinissamut isumaqatigiissut ukioq 2020-mut atuuppoq, taamalu ukiup naanerani atorunnaassalluni. Tamanna tunngavigalugu 2021-mut kiffartuussinissamut isumaqatiginninniarnert aallartinneqarput.

Allaffeqarfiup DEG-mik oqaloqateqarneq tunngavigalugu kiffartuussinissamik isumaqatigiissutissatut siunnersuut suliaraa. Ukioq 2021-mut kiffartuussinissamut aningaasaliissutit 574.000 koruunit sisamariarlugit aningaasaliissutigineqassapput. Kiffartuussinissamut aningaasaliissutit 2020-mi aningaasaliissutit assigai, taamaattorli 2021-mut takornariaqarneq pillugu isumasioqatigiissitsinissamut aningaasanik qinnuteqartoqanngilaq. Ukiut siuliit DEG

Tunumi takornariaqarnermut aningaasaliissutinik sammisassanik ineriartortitsinissamut aningaasaliissutinik qinnuteqarnissamut periarfissaqarpoq.

Ukiuortumik naatsorsuusiorneq pillugu inatsit naapertorlugu ukiuortumik naatsorsuutit 2018-imut 2019-imullu tunngasut DEG-mit tunniunneqanngillat. Tamanna tunngavigalugu 2021-mut kiffartuussinissamut isumaqatigiissut naapertorlugu pissutsit aaqqinneqarnissaasa tungaanut kiffartuussinissamut aningaasaliisoqassanngitsoq allaffeqarfimmit inassuteqaatigineqarpoq.

2021-mut kiffartuussinissamik isumaqatigiissut suliassanik makkuninnga isumaginninnissamik imaqarpoq:

- Ukiuunerani aamma aasaq tamaat takornarianut paasissutissiivimmi ammatitsisarneq
- Takornarianut paasissutissaliorneq
- Nittartakkat Facebookilu aqputigalugit internetikkut nittarsaassineq
- Kulusummi takornarianut paasissutissiivik
- Saqqummersitsinermi peqataaneq

Aaqqiissutissatut siunnersuut – suliatigut naliliineq

2021-mut kiffartuussinissamik isumaqatigiissummi aalajangersagaqarpoq, kiffartuussinissamik isumaqatigiissut DEG-p ersarissumik periuseqarnissaanik qulakkeerinnittussamik imalimmik. Kvartalikkuaartumik kommunimut nalunaarusiortarnissaq, sunik suliaqarsimanermik allaaserinnittumik, DEG-p pisussaaffigivaa. DEG aaqqissuussanik, kiffartuussinissamik isumaqatigiissutaasimasunik, ingerlatsinngikkaangat kiffartuussinissamut aningaasaliissutit ilanngarneqartassapput, taamaalilluni ukioq 2021 naannginnerani aaqqissuussat naammassineqarpata naammassineqarsimappatalu akiliineq aatsaat pisinnaassaaq.

Allaffeqarfimmit aningaasaateqarfiup 2018-imut aamma 2019-imut naatsorsuutinik tunniussinnaasimanginnera assut ilungersunartutut nalilerneqarpoq. DEG-p naatsorsuutit tunniutinngippagit Erhvervsstyrelsen aningaasaateqarfimmut arlalinnik pineqaatissiisuteqarsinnaavoq, assersuutigalugu siulersuisunut ullormut akiliisitsinerit imaluunniit ajornerpaatut kingunerisinnaavaa aningaasaateqarfiup atorunnaarsinneqarneranik.

Aningaasatigut sulisoqarnikkullu naliliinerit

2021-mut kiffartuussinermut aningaasaliissutaapput 574.000 kr., taakkulu Sermersooq Businessip 2021-mut missingersuutaanut ilaatinneqarput.

Inatsitigut tunngavissaq allakkallu tunngaviusumik uppersaatitalit

- Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut Inatsisaat nr. 23, 18, decembari 2003-meersoq.
- Kommunit aqunneqarnerat pillugu Inatsisartut inatsisaat nr. 22, 18. novembari 2010-meersoq.

Ingerlariaqqinnissaq

Inassuteqaatit akuerineqassappata kiffartuussinissamut isumaqatigiissusiortoqassaaq, kiffartuussinissamullu aningaasaliissutit 2018-imut 2019-imullu naatsorsuutit pineqarpata tunniunneqarlutik.

Aningaasaliissutit akuerineqarpata naatsorsuutillu aggustip aallaqqaataatinnagu kommunimut tunniunneqarsimangippata aningaasat sammisassanut allanut assinginut siunertanut atugassiissutigineqassapput.

Aningaasaqarnermut Allatseqarfimmit oqaaseqaatit
Soqanngilaq

Innuttaasunik peqataatsineq/attaveqaqatigiinneq
Soqanngilaq

Ingerlatsivinnit allaniit oqaaseqaatigineqartut
Soqanngilaq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititap 14. januaari 2021-mi aalajangerina:

Inassuteqaat akuersissutigineqarpoq.

Ilanngussat

1. DEG-p aamma Kommuneqarfik Sermersuup akornanni 2021-mi kiffartuussinissamik isumaqatigiissutissaatut siunnersuut.
2. Kiffartuussinissamik isumaqatigiissummut ilanngussaq
3. 2020-mi kvartalip pingajuannit nalunaarussiaq

Punkt 04B: Nanu Travel 2021-imi kiffartuussinissamik isumaqatigiissuteqarfigineqarnera

Beslutning

Charlotte Pike (IA) ataatsimiinneq qimappaa.

Inassuteqaat akuersissutigineqarpoq. ima oqaaseqaatitalerlugu ukiumoortumik naatsorsuutit Aningaasaqarnermut Inuussutissarsiornermullu Ataatsimiititamut tunniunneqartassasut.

Bilag

Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissutissaattut siunnersuut

Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissummut ilanngussaq

2020-mi kvartalip siullermi Nanu Travelip nalunaarusiaa

2020-mi kvartalip aappaanni Nanu Travelip nalunaarusiaa

2020-mi kvartalip pingajuanni Nanu Travelip nalunaarusiaa

Nanu Travel 2021-imi kiffartuussinissamik isumaqatigiissuteqarfigineqarnera

Aalajangiiffigisassaq

J.nr: EMN-2020-30001

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siursaataasunik sulianik ingerlatsinissaanut. Kiffartuussinissamik isumaqatigiissuteqarnermi Ittoqqortoormiini takornariaqarnikkut siursaataasumik suliaqarnermik tapersersuinissaq siunertaavoq.

Suliaq aningaasaqarnermut Inuussutissarsiornermullu ataatsimiititap ulloq 10. decembari 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Kommuneqarfik Sermersuup aamma Nanu Travel ApS-ip kiffartuussinissamik isumaqatigiissutaat 2021 akuersissutigineqassasoq
- kiffartuussinissamut aningaasaliissutit 300.000 kr-inik akuersissutigineqassasut

Suliassamik saqqummiussineq

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siursaataasunik sulianik ingerlatsinissaanut. Nanu Travel takornariatitsinermik suliffeqarfiuvoq namminersortoq, Islandimeersumit Nonni Travel-imit pilersinneqarsimasoq.

Sermersooq Business ulloq 16. novembari 2020 Nanu Travel 2021-mut kiffartuussinissamik isumaqatigiissut pillugu ataatsimeeqatigaa. Ataatsimiinneq tunngavigalugu Sermersooq Business-ip ukioq 2021-mut kiffartuussinissamik isumaqatigiissummut siunnersuut suliaraa.

Nanu Travel ApS-ip kiffartuussinissamik isumaqatigiissummik naammassinninnissaa qulakkeerniarlugu kiffartuussinissamik isumaqatigiissut ersarissumik periuseqarnissamik imaqarpoq. Nanu Travel ApS kommunimut ataavartumik kvartalikkuaartaumik, aqqissuussanik nassuiaatitalimmik, Sermersooq Business-imut nalunaarusiortussaataitaavoq. Nanu Travel ApS aqqissuussanik, kiffartuussinissamik isumaqatigiissutaasimasunik, ingerlatsinngikkaangat kiffartuussinissamut aningaasaliissutit ilanngarneqartassapput, taamaalilluni aqqissuussat 2021-p naannginnerani naammassineqarpata naammassineqarsimappataluunniit aatsaat akiliineq pisinnaassaaq .

2021-mut kiffartuussinissamik isumaqatigiissummi Nanu Travel ApS pisussaaffilerneqarpoq, Ittoqqortoormiini eqqaanilu takornariaqarnermi siursaanissamut iluaqutaasussanngorlugu uku suliarissallugit:

- Ittoqqortoormiini takornarianut paasissutissiivittut atuuttussamut
- Ittoqqortoormiit kiisalu Nuna Eqqissisimatitaaq pillugu nunarsuarmi tamanut mailikkut akissuteqartarneq.
- Takornariat uteqqikkusuttut takornariassamaartullu akornanni attaveqatigiinneq.
- Angalanissanut, ukiumi (qimusserneq, qamuterallannik angallanneq), aasami (umiatsiamik angalaarnernut, qajartornernut, pisuttuarnernut) piareersaanerit
- Inissianik B-186 aamma B-195-imik aserfallatsaaliinerit.

2021-mut kiffartuussinissamut isumaqatigiissummut siunnersuut suliamut ilanngunneqarpoq.

2020-mi Nanu Travelip suliaasa killiffiat

Kvartalimi siullermi Nanu Travel katillugit inunnik 8-nik sulisitsivoq, takornarianik angallassisutut, eqqumiitsuliornikkut aamma allaffissornikkut. 2020-mi januaarip qaammataani pisortaasimasooq Mette Pike Barselajsen atorfiniminit tunuarpoq. Taarsiullugu Olena Madsen pisortatut atorfinitsinneqarpoq. Covid-19 pissutigalugu ataasiaannarluni qamuterallannik angallassisooqarpoq, kvartalimilu siullermi qimussimik angallassinermut tunngatillugu. Marsip 13-iannit apriliip 13-iannut allaffik matoqqavoq.

Kvartalip aappaani Nanu Travel katillugit inunnik 11-nik sulisitsivoq, takornarianik angallassisutut qulit allaffimilu ataaseq. Takornariartussat tamarmik taamaatipput. Taarsiullugu kommune suleqatigalugu Nanu Travel meeqqanik umiatsiamik angallassivoq, angalaarnernut meeqqerivik Paarsisormut ikiuutaavoq aamma isumannaallisaanermut umiatsianik isumaginnippoq, kiisalu inuiattut ullorsiornermi meeqqanut qajartortunut isumannaallisaanermut umiatsianik piareersimasuuteqarluni.

Umiarsuit takornariartaatit taamaatiinnartussaasut suli ilisimaneqanngitsoq Nanu Travel umiarsuarsuit takornariartaatit tikinnissaannut sapinngisamik attuinaveersaartitsilluni tikittoqarnissaq piareersarparaa, soorlu ilaatigut internetikkut tammajuitsussanik inniminniinikkut illoqarfimmi umiarsuit takornariartaatinut ilaasunut tunniussisinnaaneq pillugu. Umiarsuit takornariartaatit tamarmik taamaatinneqarput.

Kvartalip pingajuanni Nanu Travel-ip ilisimatuut, assiliisartut aamma illoqarfimmi inuiaqatigiit kiffartuuteqqippai, ilaatigut kommunimi Peqqinnermut Susassaqartitsinermullu Immikkoortortaqaarfik, meeqqerivik Paarsisor aamma Ejner Mikkelsen Aluarpia suleqatigalugit.

Kvartalip pingajuanni Nanu Travel Majoriameersumik sulinerimik sungiusartuuteqarpoq.

Aaqqiissutissatut siunnersuut – suliatigut naliliineq

Ingerlatsivimmit Nanu Travel ApS-imik kiffartuussinissamut isumaqatigiissut siunissami Ittoqqortoormiini, najukkami innuttaasunut inuussutissarsiornermullu iluaqutaasumik, takornariaqartitsinermut aaqqiissuussat amerlissasut nalilerneqarpoq. Nanu Travel ApS-imit kvartalikkuaartumik nalunaarusiat Sermersooq Business-imut nassiunneqartalernerisigut aaqqiissuussat uuttorneqarsinnaanerit takuneqarsinnaanerallu pitsaanerulissasooq nalilerneqarpoq. Aammattaaq kiffartuussinissamik isumaqatigiissut suleqatigiinnissamik isumaqatigiissummi qitiutinneqartunut naapertuuttuusoq nalilerneqarpoq, uani kommune tamakkerlugu takornariaqarnikkut inuussutissarsiornerup siuarsarneqarnissaanik peqataasariaqarneq eqqarsaatigalugu.

300.000 koruuninik aningaasaliissuteqarnissap aalajangiusimaannarnissaa innersuussutigineqarpoq.

Aningaasatigut sulisoqarnikkullu naliliineq

Kiffartuussinissamut aningaasaliissutit 300.000-inik annertussuseqartut Kommuneqarfik Sermersuup 2021-mut missingersuutaanut ilaapput.

Inatsisitigut tunngavissaq allakkallu tunngaviusumik uppersaatitalit

- Inuit Ataqatigiit Demokraatillu 2017-imiit 2021-mut suleqatigiinnissamik isumaqatigiissutaat
- Kommunit inuussutissarsiuutini il.il. aningaasaliinermikkut inuussutissarsiuutinik ineriartortitseqataanissaminnut periarfissaat pillugit Inatsisartut Inatsisaat nr. 23, 18, decembari 2003-meersoq.
- Kommunit aqunneqarnerat pillugu Inatsisartut inatsisaat nr. 22, 18. novembari 2010-meersoq.

Ingerlariaqqinnissaq

Akuersissutigineqariapat Nanu Travel kiffartuussinissamik isumaqatigiissut naapertorlugu kiffartuussinissamut aningaasaliissutinik 2021-mi kittaartumik akilerneqartassaaq, Nanu Travelilu suliat pillugit kvartalikkuutaartumik nalunaarusiortassalluni.

Kvartalikkuutaartumik nalunaarusiat 2020-mi 1, 2 aamma 3 suliami ilanngussatut ilanngunneqarput.

Aningaasaqarnermut Allatseqarfirmmit oqaaseqaatit

Aningaasaqarnermut Allatseqarfik oqaaseqartinniarneqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititap 10. decembari 2020-mi aalajangerana:

Inassuteqaat imatut oqaaseqaatitallertolugu akuersissutigineqarpoq: Kiffartuussinissamut aningaasaliissutit 300.000-inik annertussuseqartut inassuteqaammut ilanngunneqassapput.

Ilanngussat

1. Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissutissaattut siunnersuut
2. Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissummut ilanngussaq
3. 2020-mi kvartalip siullermi Nanu Travelip nalunaarusiaa
4. 2020-mi kvartalip aappaanni Nanu Travelip nalunaarusiaa
5. 2020-mi kvartalip pingajuanni Nanu Travelip nalunaarusiaa

Punkt 04C: Tasiilaq pillugu tamakkiisumik pilersaarutip inaarutaasumik akuersissutigineqarnera

Beslutning

Inassuteqaat akuersissutigineqarpoq

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Tasiilaq pillugu Tamakkiisumik pilersaarut

Tasiilaq pillugu tamakkiisumik pilersaarutip inaarutaasumik akuersissutigineqarnera

Aalajangiiffigisassaq

J.nr.: EMN-2020-00010

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Tasiilaq pillugu tamakkiisumik pilersaarut tamanut tusarniaassutigineqarpoq piffissami 22. juni – 17. august 2020. Piffissami tusarniaaffiusumi tusarniaanermut akissutit arfineq-pingasut tiguneqarput, taakkulu oqaaseqatigiinnik annikitsunik allannguuteqartitsippot. Ilassuteqaatinut tunngavilersuutit arlaqarput, tamakkulu politikikkut isummerfigineqartariaqarput.

Tasiilaq pillugu tamakkiisumik pilersaarut pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusooq. Pilersaarummi illoqarfiup pitsaaqutai pitsanngorsaaviginarneqarput, taamaalilluni orniginarnera, qorsooqqinnera, illoqarfiup piujartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik innuttaasunut ataqatigiisumik pilersitsinissaaq. Pilersaarut tamakkiisooq Najukkami Ataatsimiititaliamit sakkussaavoq, iliuseqarnermilu malittarinnillattaartarnissamut aallaaviusassalluni.

Suliaq Sanarfinermut Avatangiisinullu Ataatsimiititap 07. decembari 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa, oqaaseqaatigalugu nunaminertami asfalterisuinissaaq ilanngunneqassasoq suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiititallu Tasiilaq pillugu tamakkiisumik pilersaarut akuersissutigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Tasiilaq pillugu tamakkiisumik pilersaarut akuersissutigineqassasoq

Suliassamik saqqummiussineq

Pilersaarusiormi periusissaaq P18, kommunimut pilersaarut Sermersooq2028, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarniqarpoq, pilersaarummilu immikkut ittumik pingaarnertut qitiutinneqartoq aallaavigineqarpoq: *illoqarfiup qeqqa orniginartoq* Pilersaarummi illoqarfiup pitsaaqutai pitsanngorsaaviginarneqarput, taamaalilluni orniginarnera, illoqarfiup qeqqata ingerlalluarnissaa pingaartinneqarluni, attatiinnarneqassalluni.

Matumani illoqarfimmi pioreersut ineriartorteqqinneqarnissaat siunertaavoq, taakkulu Tasiilaq najoruminartuujarnissaanut pitsanngorsaavigineqarlutillu nutarterneqassapput. Tasiilamut tunngatillugu siunissami aningaasaqarnikkut pilersaarusionermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Pilersaarummi illoqarfimmi suliniuteqarfissat pillugit najoqqutassiortoqarlunilu sinaakkutissanik pilersitsisoqassaaq - tassa matumani pineqarlutik aqqusinerni qullit, pinnguartarfinnik pilersitsinerit imaluunniit eqqumiitsuliat atorlugit kusassanerit. Pitsaanerulersitsinissamut illoqarfiullu ineriartortinnissaanut suliniutit tamarmik illoqarfiup qeqqanik pitsaanerulersitsillutillu ataatsimuulersitsissapput, tamannalu pillugu Tamakkiisumik pilersaarummi suliaasaq pingaarnerpaaq tassaavoq tamatumunnga najoqqutassiornissaq.

Tusarniaanermi piffissarititaasoq qaangiummat siunnersuutit arlaqartut pilersaarummut ilanngunneqarput, tunngaviatigulli allannguutit pineqarmata politikkikkut aalajangiiffigineqartariaqarpoq. Siunnersuutinut ilaapput:

- Ivigaaraasanik arsaattarfiup aqqusernup tungaanut killilersuuteqarnissaa, arsaq avataanut assakaasaqqunagu
- Qimmiliviit tungaanut pallittaalisqaqarnissaa
- Qimmilivinnut erngup aqqutaanik pilersitsinissaq.

Aaqqiissutissatut siunnersuut – suliatigut naliliineq

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilernerqarpoq. Taamaallunni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaasunik imaqarpoq.

Aningaasatigut sulisoqarnikkullu naliliinerit

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Tasiilamili iluarsartuussinissamut pitsanngorsaasannissamullu aningaasaliisoqartariaqarneranik taakkartuiffiulluni.

Inatsisitigut tunngavissaq allakkallu tunngaviusumik uppernarsaatitallit

- Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Akuersissutigineqassappat pilersaarut sanarfinermut immikkoortortamut nassiuuneqassaaq, tassanilu missingersuut suliaassallu allat tullerriaarneri suliarineqassallutik.

Aningaasaqarnermut Allatseqarfimmit oqaaseqaatit

Kommunimi 2021-2029-mut sanaartornermut missingersuutini Tasiilaq pillugu tamakkiisumik pilersaarummut aningaasanik immikkoortitsisoqarnikuunngilaq. Tamakkiisumut pilersaarut akuerineqassappat, siuliini nassuiaatigineqartutut, sanarfinermut immikkoortortaqarfik tamakkiisumut pilersaarummi suliniutissat pilersaarusionerannut missingersuusionerannullu ikiuutaassaaq. Taamaattumik Tasiilaq pillugu tamakkiisumik pilersaarummut aningaasaliissutit 2022-mut missingersuusionermut atatillugu aatsaat immikkoortinneqassapput. Tamatuma tungaanut suliniutit annikinnerusut Tasiilami Ataatsimiititaliamit, ukiumut 350.000 koruuninik missingersuuteqartoq, aningaasaliiffigineqarsinnaassapput.

Innuttaasunik peqataatitsineq/attaveqaqatigiinneq

Tasiilami Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni.

Siunnersuut suliarineqareermat illoqarfimmi soqutigisaqaqatigiinnut misissugassanngorlugu pilersaarut nassiunneqarpoq. Taamatut suliaqarnermut atatillugu siunnersuummut annikitsunik iluarsissutinik takkuttoqarpoq. Pilersaarut kingullermik tamanut tusarniaassutigineqarpoq, tamanna najukkami allagarsiissutigineqarluni.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:

Ilisimatitsissut tusaatissatut tiguneqarpoq ima oqaasertalerlugu: nunaminertap asfalterneqarnissaa ilanngunneqassasoq.

Aningaasaqarnermut Inuussutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Tasiilaq pillugu Tamakkiisumik pilersaarut

Punkt 04D: 2021-mut Eqqakkat pillugit malittarisassiat nutaat

Beslutning

Inassuteqaat akuersissutigineqarpoq.

Bilag

2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq

Allannguutinut diagrammi

2021-mut Eqqakkat pillugit malittarisassiat nutaat

Angerlarsimaffinnit aamma inuussutissarsiteqartunit eqqakkat pillugit malittarisassiat 2021

Aalajangiiffigisassaq

J.nr.: EMN-2020-00556, Akt ID 7

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimi Inuussutissarsiortut eqqagaat pillugit malittarisassiat aamma angerlarsimaffinniit eqqakkat pillugit malittarisassiat nutarterneqarnerinut atatillugu, eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortitigaanerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput.

Taamaalilluni malittarisassiat nutaat atorlugit kommune eqqaasartunut piunaffiginninnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Eqqakkat pillugit malittarisassiat nutaat aqqutigalugit aamma atuisunut tulluarsaaneruneq pivoq, ilaatigut inuussutissarsiortunit aamma inoqutigiinnit eqqakkat ataatsimoortillugit malittarisassiortoqarluni.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani oqaluuserineqarpoq, tassanilu "Kommuneqarfik Sermersuumi eqqakkanik pilersitsisartut pillugit Eqqagassanut malittarisassat" akuersissutigineqarput, suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ingerlateqqinneqassalluni.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiititallu malittarisassiat akuersissutigaa, suliarlu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" akuersissutigineqassasut

Suliassamik saqqummiussineq

Eqqagassaleriffiup 2021-mi malittarisassiat allanngortippai. Siusinnerusumut sanilliullugu pingaarnerusumik allannguut tassaavoq malittarisassiani suliat allaaserineqarneri, kommunip eqqakkat pillugit nalunaarsueriaasia taavalu akigitat akornanni naapertuunnerulersinneqarnerat, taamaalillutik siusinnerusumut sanilliullutik atuisunut tulluarsagaanerulerlutik, tassa innuttaasunut sullivinnullu.

Taakku saniatigut eqqakkanik pisariaqartutugit immikkoortiterisarnissamik piunasaqaat malittarisassiani nutaani ilanngunneqarpoq. Nalinginnaasumik atoqqiisarnissamik periarfissat

annertusarniarlugit avatangiisillu eqqarsaatigalugit illersorsinnaasumik passussisarnissaq qulakkeerniarlugu, immikkoortitigassat ilaat ilanngunneqarput.

Malittarisassiani nutaani pisiniarfinniit, aalisakkerivinniit, aalisartuniit piniartuniillu assigisaannillu eqqagassat tigoorarneqartarnerinut atatillugu Eqqagassaleriffimmi ilungersunartarnerat eqqarsaatigineqarput.

Suliassamik saqqummiussaliami uani ilanngunneqarpoq allannguummut diagrammiliaq, tassani allaaserineqarluni malittarisassiamut pisoqqamut sanilliullugu "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" erseqqissuliarineqarput.

Aaqqiissutissatut siunnersuut – suliatigut naliliineq
Qulaani allaqqasoq takuuk.

Aningaasatigut sulisoqarnikkullu naliliinerit
Eqqakkanut malittarisassiani allannguutit ataatsimut isigalugit kommunimut aningaasartuutaannginnissaat matumani anguniarneqarpoq.

Eqqakkanik aallertarnerit pillugit akit naleqqussarneqarput, taamaalillutik akit kommunip eqqakkanik ataasiakkaanik immikkoortitigassanik passussineranut aningaasartuutaasut matussusernissaannut oqimaaqatigiissinneqarnissaat naapertuutissalluni atoqqiiniarneq peqataanik annertusarneqarluni. Annertunerusumik immikkoortiterisarneq akinut pingaarnertut apparsaaqataassaaq, eqqagassallu ataatsimoortut/immikkoortiterneqanngitsut kukkusumik immikkoortiterinermut akitsuutinut ilanngunneqassallutik, taakku eqqakkat Eqqagassaleriffimmi suliareqqinnerani matussutaasussaapput.

Immikkoortiterinissamut piumasaaqateqarnerunikkut atoqqiinissamut atorluanaanissamullu periarfissat pitsaanerulissammata, eqqagalerinermi nalinginnaasumik sulisunik atorluaanikkut siuarsaasoqarnissaa malittarisassiat kinguneqassasut naatsorsuutigineqarpoq.

Inatsisitigut tunngavissaq allakkallu tunngaviusumik uppermarsaatitallit
Atoqqiisarnissap siuarsarneqarnissaa kommunimilu eqqagassanik passussisarnermit avatangiisinut kingunerlutsitsisarnerit annikilliniarlugit Kommuneqarfik Sermersuumut Eqqagassat pillugit pilersaarummi pingaarnertut anguniakkat naapertorlugit malittarisassianut nutaanut naapertuupput. Kommunimi annertunerusumik atoqqiisarnissaq politikkikkut anguniakkat malittarisassiatigut nutaatigut sukumiisumik siuarsarneqassaaq (eqqagassat pillugit pilersaarummi anguniakkat arfineq-aappaat).

Malittarisassiat nutaat Nunatsinni eqqagassalerinermut periusissiamut naapertuupput.

Ingerlariaqqinnissaq
Malittarisassiat akuersissutigineqassappata tamatuma kinguninngua tamanut saqqummiunneqassapput aammalu aallartinneraniit "ingerlatsinermut" ilanngunneqassallutik.

Malittarisassiat nutaat tamanut saqqummiunneqarnerini paasisitsiniaaneq ingerlanneqassaaq, taannalu naapertorlugu kommunimi eqqakkanik tunniussisarneq immikkoortiterisarnerlu pillugit malittarisassat nutaat suliffeqarfinnut innuttaasunullu maluginiaqquneqassapput, kiisalu nutaatut piumasaaqataasut kingunerisaannik avatangiisinut sunniutaasussat ilanngullugit maluginiaqquneqassallutik.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfik oqaaseqaatissaqanngilaq.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Siusinnerusukkut aalajangiinerit

Decembarip arfineq aappaanni 2020-mi Sanarfinermut Avatangiisinullu Ataatsimiititap aalajangiinera:

Inassutigineqartoq akuerineqarpoq.

Aningaasaqarnermut Inuussutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

1. 2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq
2. Allannguutinut diagrammi

Punkt 04E: Sumiiffinnik Aqquserngillu Taaguutaannik Siunnersuisoqatigiit

Beslutning

Inassuteqaat akuersissutigineqarpoq.

Bilag

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Sumiiffinnik Aqquserngillu Taaguutaannik Siunnersuisoqatigiit

Aalajangiiffigisassaq

J.nr.: EMN-2020-00556, Akt ID 6

Sanarfinermut Avatangiisinullu Ingerlatsivik – Pisortaq Hans Henrik W. Johannsen / HHWJ

Suliassamik eqikkaaneq

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusaq malillugu ilaasortat kommunalbestyrelsimit toqqarneqartut ukiuni marlunni atuuttussatut toqqarneqassapput, taakkualu qinigaaqqissinnaapput.

Sumiiffinnik Aqquserngillu Taaguutaannik Siunnersuisoqatigiinni ilaasortatut qinigassanngortittut tamarmik pissarsiarineqarput, taakkualu Kommunalbestyrelsimut akuersissutigineqassapput.

Taamatuttaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat suliarineqarsimapput, Kommunalbestyrelsimiillu aamma akuersissutigineqassallutik.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani oqaluuserineqarpoq, tassanilu Sumiiffiit Aqquserngillu Taaguutaannik Siunnersuisooqatigiinni ilaasortatut siunnersuutigineqartut akuersissutigineqarput kiisalu ileqqoreqqusamut allannguutissatut siunnersuutit akuersissutigineqarlutik, suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluuserineqarpoq, tassanilu Sumiiffiit Aqquserngillu Taaguutaannik Siunnersuisooqatigiinni ilaasortatut siunnersuutigineqartut akuersissutigineqarput kiisalu ileqqoreqqusamut allannguutissatut siunnersuutit akuersissutigineqarlutik, suliarlu Kommunalbestyrelsimut inaarutaasumik akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Sumiiffiit Aqquserngillu Taaguutaannik Siunnersuisooqatigiinni ilaasortatut siunnersuutigineqartut akuersissutigineqassasut
- ileqqoreqqusap allannguutai akuersissutigineqassasut

Suliassamik saqqummiussineq

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusami § 3, imm. 2-mi allaqqavoq: *“Ilaasortat kommunalbestyrelsemit toqqarneqartut ukiuni marlunni atuuttussatut toqqarneqassapput, qinigaaqqittoqarsinnaavorlu.”*

Sumiiffinnik Aqquserngillu Taaguutaannik Siunnersuisoqatigiinni ilaasortarusuttut tamarmik pissarsiarineqarput. Siunnersuisoqatigiit inissitsiterlutik ataatsimiinnissaat upernaaru piumaarpoq.

Suliffeqarfimmut Kiffartuussivik siunnersuisoqatigiinni allattaanermut atorfik ukiut marluk ingerlatereerlugu oktobari 2020 Sanarfinermut Avatangiisinullu Ingerlatsivimmut tunniunneqarpoq, suliassanut ataqatigiissaarineq eqaannerulernissaa qulakkeerniarlugu.

Aaqqiissutissatut siunnersuut – suliatigut naliliineq

Siunnersuisoqatigiinni ilaasortassatut innersuussutigineqartut ukuupput:

- Lisathe Kruse Møller, Oqaasileriffimmi Immikkut Siunnersorti
- Frederik Holm, Illussanik Titartaasartoq Nuummilu innuttaq
- Tittus Dalager, Sanarfinermut Avatangiisinullu Ingerlatsivimmi atorfilik
- Johannes Heilmann, NAPP-miit aallartitaq
- Jakob Mølgaard, Sunngiffimmi Aalisarnermut Piniarnermullu peqatigiiffimmiit aallartitaq
- Hans Lange, Katersugaasivilerisoq, Nunatta Katersugaasivia

Taamatuttaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat suliarineqarput:

Suliffeqarfimmi Kiffartuussivik allaqqanera Sanarfinermut Avatangiisinullu Ingerlatsivimmut allangorneqarluni.

Ileqqoreqqusami '§ 7-mi aalajangiinermut imaqarniliaq allangortinneqarluni: Imaqarniliatut siunnersuut ataatsimiinnerup kingorna ullut qulit qaangiutsinnagit ilaasortanut nassiunneqartassaaq. Imaqarniliatut siunnersuut ataatsimiinnermi tullermi oqaluuserineqarlunilu akuerineqartassaaq.

Aningaasatigut sulisoqarnikkullu naliliinerit

Ataatsimiinnerni sutugassanut aningaarsartuuteqarumaarpoq taakkulu ingerlatsivimmi missingersuutinit akilerneqartassapput.

Inatsisitigut tunngavissaq allakkallu tunngaviusumik uppernarsaatitallit

- o Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat
- o Kommunit aqunneqarnerat pillugu Inatsisartut inatsisaat nr. 29 17. november 2017-meersoq (aqutsinermik inatsit)
- o Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-meersoq (suliassamik isumaginninnermut inatsit)

Ingerlariaqqinnissaq

Siunnersuisoqatigiit inissitsiterlutik ataatsimiinnissaat upernaaru piumaarpoq. Sanarfinermut Avatangiisinullu Ingerlatsivik ataatsimiiglaqqusisuussaaq, aammalu Sumiiffinnik Aqquserngillu Taaguutaannik Siunnersuisoqatigiinnut allatsitut suliaqassalluni.

Aningaasaqarnermut Allatseqarfimmit oqaaseqaatit

Attuumassuteqanngilaq.

Innuttaasunik peqataatitsineq/attaveqaqatigiinneq

Siunnersuisoqatigiit kalaallisut taaguutinik qitiutitsilernissamut qarasaasiakkut attaveqaatit, soorlu nittartagaq Facebookilu atorlugit pilersitsisinnaavoq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Oqaaseqaatigineqartut allat

Soqanngilaq.

Siusinnerusukkut aalajangerneq

Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussaq

1. Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Punkt 04F: Ittoqqortoormiini atuartunut paaqqinnittarfik (AKO)

Beslutning

Inassuteqaat akuersissutigineqarpoq.

Ittoqqortoormiini atuartunut paaqqinnittarfik (AKO)

Ittoqqortoormiini atuartunut paaqqinnittarfimmik pilersitsinissamat qinnuteqaat

Aalajangiiffigisassaq

J.nr.: EMN-2020-30239

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Ittoqqortoormiini meeqqanut 1-3. klassiniittunut angajoqqaat kommunip atuartunut paaqqinnittarfiutissaanik pilersitsisoqassasoq kissaatigaat. Meeqqat massakut atuarfimmit ungasissumi namminersortunit neqeroorummiittarput. Meeqqat namminersortunit neqeroorummit atuarfimmit ungasissumit nammineq pisullutik angerlartarnerminni isumannaassusaat angajoqqaat erumassutigaa. Annermik ukiukkut taartillugu, qianartillugu nannullu amerlasuut sumiiffimmiitillugit.

Suliaq Meeqqanut Atuarfeqarnermullu Ataatsimiititap decembarip 04-anni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsionermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsionermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiititalu inassuteqqat akuersissutigaa, suliarlu Kommunalbestyrelsimut akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaat:

- Meeqqanut 1.-3. klassiniittunut kommunimi paaqqinnittarfimmik pilersitsisoqassasoq
- 2020-mi sulisunut akissarsiaritineqartussat Ejnar Mikkelsenilaa Aluarpianut missingersuutinit pissarsiarineqassasut

Suliassamik saqqummiussineq

Ittoqqortoormiini 1-3 klassini meeqqanik 26-nik atuartoqarpoq. Kommunip atuareernermi paaqqinnittarfiutaanik neqerooruteqanngilaq taamaattumillu meeqqat namminersortut meeqqeriviutaanni atuarfimmit ungasissumiittumi paarineqartarput.

Namminersortut neqeroorutaannut aqut ukiukkut qianartarpoq, qianarluni toqqissisimanaranilu. Akulikitsumik pisartumik nannunik sumiiffimmiittoqarsimatillugu angajoqqaat annermik meeqqaminnut erumassuteqartarsimapput.

Taamaattumik piaarnerpaamik neqeroorummik pilersitsisoqarnissaa annertuumik kissaatigineqarpoq.

Init atuarfiup naqquata ataaniittut massakut klubbartarfit atorneqartartut atuartunut paaqqinnittarfimmut atorneqarsinnaanerat periarfissaavoq. Klubbi ininut sissamiittunut nuunneqarsinnaavoq massakorpiarlu Iserit tamatuminnga siunertalimmik misissuivoq.

Atuarfiup pisortaata atuartunut paaqqinnittarfimmik novembarip aallaqqaataaniilli aallartitsissaguni namminerminut missingersuutini sulisunik atorfinitsitsinissamat aningaasat pissarsiarinnaavai. 2021-mili januaarip aallaqqaataani kvartalimut siullermut ilassutitut aningaasaliiffigineqarnissamik

qinnuteqaateqarnissamut atatillugu pisortamik sulisunillu marlunnik atorfinitsitsinissamut aningaasanik qinnuteqartoqassaaq.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik 1 – 3 klassini atuartunut paaqqinnittarfimmik aallartitsisoqarnissaanik angajoqqaat kissaateqarnerannut paasinnippoq.

Pisoq massakkutut itsillugu naammaginaranilu meeqqanut angajoqqaanullu toqqissisimananngilaq. Nannut sumiiffimmiikkajuttarput meeqqallu 1-3 klassiniittut ulorianarsinnaasumik pisoqarnerani iliuuseqarnissaminnut mikivallaarput. Taamaattumik meeqqat paarineqassagunik ungasissumut pisoqqaartannginniassammata kommunimit neqeroorummik atuarfimiittumik pilersitsisoqassasoq innersuussutigineqarpoq.

Aningaasatigut sulisoqarnikkullu naliliinerit

Ukiumi matumani sulisut pingasut akissarsiassa attoqqortoormiini atuarfiup aningaasaliiffiginnaavai. Sulisunut pingasunut ukiumoortumik aningaasartuutissat 640.000 koruunit missaanniipput. Atuartunut paaqqinnittarfiup 2021-mi aningaasalerneqarnissaa sunngiffimmi aaqqissuussinermut aningaasaliissutinut nuutsinikkut pisinnaavoq.

Inatsisitigut tunngavissaq allakkallu tunngaviusumik uppersaataitallit

- Kulturikkut ingerlatsineq sunngiffimmi sammisassaqaartitsineq pillugit Inatsisartut inatsisaat nr. 5, 6. juni 2016-imeersoq
- Meeqqanut suli atualingitsunut perorsanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

2020-mi aningaasaliissutissat atuarfimmu missingersuutinit pissarsiarineqarsinnaammata, atuartunut paaqqinnittarfik 2020-mi novembarip aallaqqaataani aallartinneqarsinnaaleriissaaq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Innuttaasut peqataatinerat pisimavoq, ingerlaavartumik atuartut nukarlerni atuartuusut angajoqqaavi oqaloqatigiinnermik peqataatinerisigut.

Ingerlatsivinnit allaniit oqaaseqaatigineqartut

Oqaaseqaateqanngilaq.

Siusinnerusukkut aalajangernerit

Meeqqanut Atuarfeqarnermullu Ataatsimiititap 04. decembari 2020-mi aalajangernerit:
Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

Soqanngilaq.

Punkt 04G: Kapisilinni atuartunut paaqqinnittarfik (AKO)

Beslutning

Inassuteqaat akuersissutigineqarpoq.

Kapisilinni atuartunut paaqqinnittarfik (AKO)

Kapisilinni atuartunut paaqqinnittarfimmik pilersitsinissamat qinnuteqaat

Aalajangiiffigisassaq

J.nr: EMN-2020-30240

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Kapisilinni atuartut pingasut atuartunut paaqqinnittarfimmik amigaateqarput. Taamaattumik perorsaasumik sulisulimmik neqeroorummik pilersitsivigineqassasut kissaatigineqarpoq. Ulluunerani meeqqanik paarsisarfimmi massakkut meeqqamik ataasiinnarmik inoqartumi atortorissaarutit atorneqarsinnaapput.

Atuartunut paaqqinnittarfik nal.11:00-17:00 ammasassaaq

Suliaq Meeqqanut Atuarfeqarnermullu Ataatsimiititap decembarip 04-anni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsionermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsionermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiititalu inassuteqqat akuersissutigaa, suliarlu Kommunalbestyrelsimut akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Kapisilinni ulluunerani meeqqanik paarsisarfimmik 1-3. klassinut atuartunut paaqqinnittarfimmik pilersitsisoqassasoq
- 2020-mi sulisumut akissarsiaritinnegartussanut aningaasaliinissaq Meeqqanut Atuarfeqarnermullu Ingerlatsiviup missingersuutaanit nuussinikkut pissasoq

Suliassamik saqqummiussineq

Kapisillit atuarianni meeqqat pingasuusut: Marluk arfineq marlunnik ukiullit ataaserlu arfinilinnik ukiulik atuareernerup kingorna atuartunut paaqqinnittarfimmik pisariaqartitsipput. Siusinnerusukkut anaanaminnik paaritinnikkunik angerlarsimaffimmini kisimiittarsimapput. Aaqqiissut tamanna naammagarunnaarmat atuartunut 1-3 klassinut atuareernerup kingorna atuartunut paaqqinnittarfimmik pilersitsisoqassasoq qinnuteqaatigineqarpoq. Meeqqeriviup meeqqamik ataasiinnarmik inoqarnera pissutigalugu ulluunerani meeqqanik paarsisarfik inissatut aallarniutit atorneqarsinnaavoq.

Ungasinnerusoq eqqarsaatigalugu meeqqat katersortarfimmi massakkut iluarsartuunneqartumiissapput.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik atuartunut paaqqinnittarfimmik aallartitsisoqarnissaanik angajoqqaat kissaataateqarnerannik paasinnippoq. Tamatumani ulluunerani meeqqanik paarsisarfup inii atorluarneqarsinnaapput. Perorsaasumik akunnermusialimmik meeqqanik pingasunik paarsinermi kommunimit

akissarsiaqartinneqartussamik atorfinitsitsisoqassaaq. Aammattaaq atuarfiup sulisoq ullaap tungaani pisariaqartitsineq malillugu taartaasartutut atortassavaa.

Aningaasatigut sulisoqarnikkullu naliliinerit

2020-mi sulisumut akissarsiaritinneqartussanut aningaasaliissutissat atuarfimmut angerlarsimaffinnilu paaqqinninnermut aningaasaliissutit nuutsiterneqarnerisigut pissarsiarineqassapput.

Inatsisitigut tunngavissaq allakkallu tunngaviusumik uppersaatitallit

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

Sulisut akissarsiassaannut meeqqallu nerisinneqarnissaannut ukioq manna aningaasaliissutissat ingerlatsiviup missingersuutaanit nuussinikkut pissarsiarineqassammata, Atuartunut Paaqqinnittarfik 2020-mi novembarip aallaqqaataani aallartinneqassaaq. 2021-mi aningaasaliissutissat angerlarsimaffinni paaqqinninnermit nuutsiterinikkut pissarsiarineqassapput. Tamanna 2021-mut TB1-imik qinnuteqarnermi pissaaq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqateqarneq

Attuumassuteqanngilaq.

Ingerlatsivinnit allaniit oqaaseqaatigineqartut

Oqaaseqaateqanngilaq.

Siusinnerusukkut aalajangernerit

Meeqqanut Atuarfeqarnermullu Ataatsimiititap 04. decembari 2020-mi aalajangenera:
Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

Soqanngilaq.

Punkt 04H: 2021-mi Suliat allaaserineqarneri

Beslutning

Inassuteqaat akuersissutigineqarpoq.

Bilag

2021-mi Suliat allaaserineqarneri

2021-mi Suliat allaaserineqarneri

Aalajangiiffigisassaq

J.nr.: EMN-2020-27557

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Suliat allaaserineqarneri ukiut tamaasa nutarterneqartassapput politikikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat neqeroorutinut eqquunnersut aamma politikikkut anguniakkanut naapertuuttuunersut qulakkeerneqartartussaapput.

Suliaq Suliffeqarfinnermut Isumiginninnermullu Ataatsimiititami 08. decembari 2020-imi oqaluuserineqarpoq, ataatsimiititallu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. decembari 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa, suliarlu Kommunalbestyrelsimut akuersissutigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2021-mi Suliassat allaaserineqarnerat akuerineqassasut

Suliassamik saqqummiussineq

Suliat allaaserineqarneri tassaapput Isumaginninnermut Suliffeqarnermullu Ingerlatsivimmi innuttaasunut neqeroorutit innersuussutigineqarnerisa ataatsimut takussutissartai. Ingerlatsivimmit innuttaasunut sunik neqerooruteqartoqarnerisat ersarissumik sulisunut innuttaasunullu ersarissunngorlugit pigineqassasut suliat allaaserineqarnerisa siunertarivaat. Assigiissumik kiffartuussinermik ersarissuunermillu qulakkeerinntuussapput.

Ilassuteqaatit allannguutillu annertunerit Suliffeqarnermut aammalu Timikkut Tarnikkullu innarluutilinnut tunngasuupput.

Aaqqiissutissatut siunnersuut – suliatigut naliliineq

2020-mi suliat allaaserineqarnerinut ilanngussaartoqarpoq. Tulliuttuni aaqqiissutit pingaarnerit allaaserineqarput.

Ataatsimut isigalugu

- Suliat allaaserineqarneri ingerlatsivimmi neqeroorutigineqartunut eqquutsinneqarniassammata naleqqussarneqarsimapput.
- Naammagittaalliorsinnaanermut ilitsersuutit misissorneqareerput nutarterneqareerlutillu.

Inunnut innarluutilinnut aamma Tarnimikkut nappaatilinnut Immikkoortortaqarfik

- Sullissinerit nutaat allaaserineqareerput; assersuutigalugu nammineq angerlarsimaffimmi tapersorneqarneq, tapersersuinerimi tiimit aammalu ingiaqataasartunut aaqqiissuussineq. Sullissinerni inatsisit najoqqutassat misissorneqareerput nutarterneqareerlutillu.

Utoqqarnut tunngasut

- Utoqqarnut tunngasuni suliat allaaserineqarnerini arlalinni oqaaseqatigiit iluarsineqarput, taamaalilluni suliffeqarfiit immikkut innersuussutaajunnaarlutik, taarsiulluguli sullissineq ukkatarineqarluni.

Suliffeqarnermut tunngasut

- Suliffeqarnermut tunngasuni suliat allaserineqarneri ilanngunneqarput, suliassaqarfimmi tassani suliassanik arlalinnik allaaserinniffiusut.

Oqartussaaffeqarfik

- Inunnut innarluutilinnut inatsit naapertorlugu tapersorsorneqarnissamik qinnuteqaatit tamarmik suliarineqarnissaannut piffissaliussat ilassutigineqarput.

Suliat allaaserineqarnerat politikikkut sakuuvoq kiffartuussinermik ersarissunngortitsisoq qulakkeerisuusorlu. Kiffartuussinerup politikikkut akuerisaasup innuttaasut ilimagisaannut naleqqussarneqarnera napertuuppoq

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqanngilaq. Piumasaqaataasut sapinngisamik pitsaanerpaamik naapertuutsinniarlugit suliat allaaserineqarneri pillugit ilinniartitsinissaq immikkut iliuseqarfigineqassaaq.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Sulissat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

Ingerlariaqqinnissaq

Allannguutit akuersissutigineqassappata allaaserineqarnerit iluarsisat malillugit ingerlatsiviup suliffeqarfii sulissapput.

Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartoqanngilaq.

Siusinnerusukkat aalajangerit

Suliffeqarnermut Isumaginninnermullu Ataatsimiititap 08. decembari 2020-mi aalajangiinera:
Inassuteqaat akuersissutigineqarpoq

Aningaasaqarnermut Inuussutissarsiornermullu Ataatsimiititap 10. Decembari 2020-mi aalajangiinera:

Inassuteqaat akuersissutigineqarpoq.

Ilanngussat

1. 2021-mi Suliat allaaserineqarneri

Punkt 04I: Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Beslutning

Inassuteqaat akuersissutigineqarpoq.

Bilag

Aningaasaqarnermut Inuussutissarsiornermullu Ataatsimiititap Paamiunut angalaneranit nalunaarussiaq 2020

Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Paamiut 01. december-imit 02. december-imit

Aalajangiiffigisassaq

J.nr.: 01.02

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Aningaasaqarnermut Inuussutissarsiornermullu Ataatsimiititaq 2020-mi decembarimi Paamiunut angalavoq Angalanerup siunertaa Ataatsimiititap inissititerneqarnerata kingornatigut pilersaarutit ingerlanneqartut aamma naammassineqartussat misissuivigineqarnissaat, kiisalu suleqatigisanik ataatsimiititap suleriaqqinnissaa pillugu ataatsimeeqateqartarnissaq. Angalaneq pillugu nalunaarussiaq angalanerup pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqarpoq.

Suliaq Aningaasaqarnermut Inuussutissarsiornermullu ataatsimiititap ulloq 14. Januaari 2021-mi ataatsimiinnerani oqaluuserineqarpoq, ataatsimiititallu angalanerup nalunaarussiaq akuersissutigaa, suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- angalanerup nalunaarussiaq akuersissutigineqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititaq 2020-mi decembarimi Paamiunut angalavoq Angalanerup siunertaa Ataatsimiititap inissititerneqarnerata kingornatigut pilersaarutit ingerlanneqartut aamma naammassineqartussat misissuivigineqarnissaat, kiisalu suleqatigisanik ataatsimiititap suleriaqqinnissaa pillugu ataatsimeeqateqartarnissaq. Angalaneq pillugu nalunaarussiaq angalanerup pisussanik aamma angalanerup nalaani ataasiakkaanut pulaarnernik kiisalu angalanerup nalaani ataatsimiissimanernik paasisanik naggasiuteqartumik imaqarpoq.

Aningaasaqarnermut Inuussutissarsiornermullu Ataatsimiititamit peqataapput Charlotte Ludvigsen (siulittaasoq), Henrik Rachlev (ilaasortaq), Justus Hansen (ilaasortaq), Peter Davidsen (ilaasortaq) aamma Jens Kristian Berthelsen (ilaasortaq).

Sanarfinerup Avatangiisinullu Ingerlatsivimmiit peqataavoq Hans Henrik Winther Johannsen (pisortaaneq) aamma Peqqinneq Susasaqartitsinermillu immikkoortortaqarfimmiit peqataavoq Akannguaq Lennert (immikkoortortami aqutsisoq).

Allaffeqarfimmiit aamma Heidi Jeremiassen (immikkoortumi aqutsisoq) aamma Marianne Hansen (oqalutsi) peqataapput.

Pulaakkat tassaapput:

- Qatserisarfik
- Tigooraavik
- Materielgården
- Iliveqarfittaaq
- Royal Greenland
- Betoncentrali

Sumiiffiit assigiinngitsuni pulaarnerit saniatigut Ataatsimiititaq Taqqissuuni innuttaasunut ataatsimiititsivoq. Aammattaaq Najukkami ataatsimiititaq Paamiuni Inuussutissarsiornermut Siunnersuisoqatigiit ataatsimeeqatigai.

Aaqqiissutissatut siunnersuut – suliaticut naliliineq
Soqanngilaq.

Aningaasaticut sulisoqarnikkullu naliliinerit
Soqanngilaq.

Inatsiitigut tunngavissaq allakkallu tunngaviumik uppersaatitallit
o Ataatsimiititap suleriaasia.

Ingerlariaqqinnissaq
Aningaasaqarnermut Inuussutissarsiornermullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Siusinnerusukkut aalajangiinerit
Aningaasaqarnermut Inuussutissarsiornermullu Ataatsimiititap 14. januaari 2021-mi aalajangenera:
Inassuteqaat akuersissutigineqarpoq

Ilannussat
1. Aningaasaqarnermut Inuussutissarsiornermullu Ataatsimiititap Paamiunut angalaneraniit nalunaarussiaq 2020

Punkt 04J: Najukkami Ataatsimiititalianut ileqqoreqqusat allangortinneqarnerat

Beslutning

Inassuteqaat akuersissutigineqarpoq.

Bilag

Ileqqoreqqusat atuuttut

Ileqqoreqqusassatut siunnersuut, allannguutit sungaartumik nalunaaqutsersorneqarput

Najukkami Ataatsimiititalianut ileqqoreqqusat allangortinneqarnerat

Aalajangiiffigisassaq

J.nr.: 01.03.50

Suliffeqarfimmu Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Suliffeqarfimmu Kiffartuussiviup, Najukkami Ataatsimiititalianut ileqqoreqqusat marluk taamatuttaaq annikitsunik aaqqiissuteqarluni allangortinneqarnissaannut siunnersuutaa. Allangortitsinerup aappaani pineqarpoq Najukkami Ataatsimiititaliat tusarniaanermi akissuteqaammik tunniussisinnaanerat, allangortitsinerullu aappaani pineqarluni Najukkami Ataatsimiititaliat qinigaaffianik sivikilliliineq, Najukkami Ataatsimiititaliat qinigaaffiisa sivisussusia Kommunalbestyrelsip qinigaaffiata sivisussusianit takinerusinnaanngimmat.

Suliaq aningaasaqarnermut Inuussutissarsiornermullu ataatsimiititap ulloq 14. Januaari 2021-mi ataatsimiinnerani oqaluuserineqarpoq, ataatsimiitillu Najukkami Ataatsimiititaliami ileqqoreqqusat allangortinneqarnerat akuersiissutigaa, suliarlu Kommunalbestyrelsimut akuersiissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Najukkami Ataatsimiititaliat ileqqoreqqusaani allannguutit akuersiissutigineqassasut

Suliassamik saqqummiussineq

Suliffeqarfimmu Kiffartuussiviup, Najukkami Ataatsimiititaliamut ileqqoreqqusat marluk taamatuttaaq annikitsunik aaqqiissuteqarluni allangortinneqarnissaannut siunnersuutaa. Allangortitsinerup aappaani pineqarpoq Najukkami Ataatsimiititaliat tusarniaanermi akissuteqaammik tunniussisinnaanerat, allangortitsinerullu aappaani pineqarluni Najukkami Ataatsimiititaliap qinigaaffianik sivikilliliineq, Najukkami Ataatsimiititaliap qinigaaffiata sivisussusia Kommunalbestyrelsip qinigaaffiata sivisussusianit takinerusinnaanngimmat.

Piffissami matumani najukkami ataatsimiititaliat ukunani Ittoqqortoormiit, Tasiilaq aamma Paamiut sivisussusiat 2023-mut januaarimut atuuppoq, aamma Nuummi najukkami ataatsimiititaliami qinigaaffik 2021-mi oktobari tikillugu atuulluni.

Aaqqiissutissatut siunnersuut – suliatigut naliliineq

1. Ileqqoreqqusat allannguutissaattut siunnersuutit

Ileqqoreqqusat allangortinneqassasut najukkami inuiaqatigiinnut immikkut sunniuteqartut pillugit Najukkami Ataatsimiititaliat tusarniaatitsinerni akissuteqartussaananerani imaallilugu Najukkami Ataatsimiititaliaq tusarniaanermi akissuteqarsinnaaneranut.

Maannakkut ileqqoreqqusatut atuuttoq:

§ 2: Najukkami Ataatsimiititaliaq sumiiffimmi innuttaasunut immikkut ittumik sunniuteqarsinnaasunut tusarniaasoqarnerani akissuteqartassaaq, assersuutigalugu makku eqqarsaatigalugit: timitalimmik pilersaarutinut, avatangiisinut, peqqissutsimut, angallannermut, timersornermut, atuarfeqarnermut, meeqqanut, inuusuttunut, utoqqarnut, kulturikkut sunngiffimmilu sammisassaqartitsinernut tunngasut. Sullinneqarfiup iluaneersunit aamma avataaneersunit tusarniaassutit immikkoortinneqassapput. Kommunimit tusarniaasoqartillugu (sullinneqarfiup iluani) tusarniaanissamut pisussaaffeqartoqarpoq, sullinneqarfiullu avataani tusarniaasoqartillugu

paasissutissiinissamut pisussaaffeqartoqarluni. Paasissutissiinissamut pisussaaffeqarneq isumaqartinneqarpoq, kommunimit tusarniaassummut akissuteqaat najukkami ataatsimiititaliamut ilisimatitsissutigineqassasoq/assilinera ingerlateqqinneqassasoq.

Ileqqoreqqusami allannguut:

§ 2: Najukkami Ataatsimiititaliaq sumiiffimmi innuttaasunut immikkut ittumik sunniuteqarsinnaasunut tusarniaasoqarnerani akissuteqartassaaq, assersuutigalugu makku eqqarsaatigalugit: timitalimmik pilersaarutinut, avatangiisinut, peqqissutsimut, angallannermut, timersornermut, atuarfeqarnermut, meeqqanut, inuusuttunut, utoqqarnut, kulturikkut sunngiffimmilu sammisassaqaartitsinernut tunngasut.

2. Ileqqoreqqusami allannguutissatut siunnersuutit

Kommunalbestyrelsip issiasup aalajangiinissamut piginnaatitaaffia eqqarsaatigalugu, najukkami ataatsimiititaliat qinigaaffiat Kommunalbestyrelsimi ilaasortat qinigaaffianit sivisunerusinnaangilaq. Tamanna tunngaviatigut isumaqarpoq, Najukkami Ataatsimiititalianik qinersisoqartassasoq Kommunalbestyrelsimi ilaasortat inissitsiternerisa kingorna. Taassuma saniatigut Najukkami Ataatsimiititaliani ilaasortat qinigaaffiisa sivisussusiat ileqqoreqqusami ukiunik pingasunik sivisussuseqassasoq aalajangersarneqarsimavoq, taanna ukiunik sisamanik sivisussuseqartussatut allanngortinneqassaaq, taamaalilluni Najukkami Ataatsimiititaliat qinigaaffiat Kommunalbestyrelsimi ilaasortat qinigaaffiisa sivisussusiannut assigilerlugu.

Maannakkut ileqqoreqqusatut atuuttoq:

§ 4, imm. 13: Qinersineq ukiut pingasut qaangiunneranni pisassaaq.

Ileqqoreqqusami allannguut:

§ 4, imm. 13: Qinersineq pisassaaq Kommunalbestyrelsip inissitsiternerata kingorna kingusinnerpaamik qaammatit marluk qaangiutsinnagit.

Aningaasatigut sulisoqarnikkullu naliliinerit

Pingaarteqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaata allanngortinneqarnera pillugu Inatsisartut inatsisaat nr. 6, 29. november 2013-imeersoq
- Kommuneqarfik Sermersuumi najukkani ataatsimiititaliat pillugit ileqqoreqqusat

Ingerlariaqqinnissaq

Maannamut Najukkami Ataatsimiititaq Kommunalbestyrelsip aalajangiinera pillugu ilisimatitsissummik tunineqassaaq.

Najukkami Ataatsimiititalianut ataqatigiissaarisut suleqatigiillutik najukkami ataatsimiititalianik qinersineq pilersarusiussavaat qinersititsinermillu ingerlatsillutik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatsineq/attaveqatigiinneq

Kommunalbestyrelsip aalajangerneru kommunip nittartagaatigut tamanut saqqummiunneqartarumaarput.

Ingerlatsivinnit allaniit oqaaseqaatigineqartut

Najukkami ataatsimiititaliat suliniutaat aamma suliassaat tamarmik ingerlatsiviit attuumassuteqartut qanimut suleqatigalugit aamma ataqatigiissareqatigalugit sularineqassapput. Tassunga

ilangullugu kommune suleqatigiissitani sinniisoqassaaq, tassa Najukkami Ataatsimiititaliap suliniutai kommunilluunniit tungaaniit suliniuteqartoqartillugu ataqatigiissarineq pisariaqarmat.

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititap 14. januaari 2021-mi aalajangeri:

Inassuteqaat akuersissutigineqarpoq

Ilanngussat

1. Ileqqoreqqusat atuuttut
2. Ileqqoreqqusassatut siunnersuut, allannguutit sungaartumik nalunaaqutsersorneqarput

Punkt 04K: Paamiuni meeqqat ilaqutariillu pillugit isumaginninnermi suliani ataqatigiissaarinnermut suleqatigiissitamut ileqqoreqqusat

Beslutning

Inassuteqaat akuersissutigineqarpoq.

Bilag

Kommuneqarfik Sermersuumi meeqqat inuusuttullu pillugit isumaginninnermi suliani ataqatigiissaarinnermut suleqatigiissitamut ileqqoreqqusat 12. juuni 2012-imeersut. (qallunaatut)

Paamiuni meeqqat inuusuttullu pillugit isumaginninnermi suliani ataqatigiissaarinnermut suleqatigiissitamut ileqqoreqqusat_siunnersuut

Paamiuni meeqqat ilaqtariillu pillugit isumaginninnermi suliani ataqatigiissarinnermut suleqatigiissitamut ileqqoreqqusat

Aalajangiiffigisassaq

J.nr.: 42.00

Meeqqanut Ilaqtariinnullu Ingerlatsivik – Pisortaq Martha Lund Olsen / MLOL

Suliassamik eqikkaaneq

Paamiuni Meeqqat Ilaqtariillu pillugit Oqartussaasoqarfiit Assigiinngitsunik Suliallit Suleqatigiiffiannik (TFU B&F Paamiut) Meeqqanut Ilaqtariinnullu Ingerlatsivimmit pilersitsinissaq kissaatigineqarpoq.

Oqartussaasoqarfiit Assigiinngitsunik Suliallit Suleqatigiiffiat oqartussasoqarfinit assigiinngitsunit inuttaqarpoq, suleqatigiiffiullu siunertaraa oqartussasoqarfiit assigiinngitsut neqeroorutaannik suliniutinik sapinngisamik ataqatigiissaarinnissamik qulakkeerinissaq.

”Kommuneqarfik Sermersuumi meeqqat inuusuttullu pillugit isumaginninnermi suliani ataqatigiissarinnermut suleqatigiissitamut ileqqoreqqusat” § 4, imm. 2 naapertorlugu, kommunimi illoqarfinni allani pisariaqartitsineq malillugu Suleqatigiissitaliortoqarsinnaavoq.

Suliaq Meeqqanut Ilaqtariinnullu Ataatsimiititami 11. januaari 2021-mi immikkut ittumik ataatsimiinnermi oqaluuserineqarpoq, ataatsimiititallu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Suliaq aningaasaqarnermut Inuussutissarsiornermullu ataatsimiititap ulloq 14. Januaari 2021-mi ataatsimiinnerani oqaluuserineqarpoq, ataatsimiititallu ileqqoreqqusat akuersissutigaa, suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Paamiuni meeqqat ilaqtariillu pillugit isumaginninnermi suliani oqartussaasoqarfiit assigiinngitsunik suliallit suleqatigiiffiannut ileqqoreqqusassaq akuersissutigineqassasoq

Suliassamik saqqummiussineq

Maannamut Kommuneqarfik Sermersuumi Meeqqanut Inuusuttunullu tunngatillugu Oqartussaasoqarfiit Assigiinngitsunik Suliallit Suleqatigiiffiat ataatsimoortoq (TFU B&U) piuvoq. Taamaammatt TFU B&U Kommuneqarfik Sermersooq tamaat sulianik suliarinnittarluni.

Meeqqat inuusuttullu pillugit qitiusoqarfimmit aalajangiiffigineqartarnerat Meeqqanut Ilaqtariinnullu Ingerlatsivimmit naammagineqanngilaq. Taamaattumik suliat ingerlaneri aalajangiiffigineqarnerilu innuttaasunut qanillissarniarlugit, Paamiuni Assigiinngitsunik Suliallit Suleqatigiissitaannik (TFU B&F Paamiut) pilersitsinissaq Meeqqanut Ilaqtariinnullu Ingerlatsiviup kissaatigaa.

Suleqatigiiffiup suliniutit meeqqanut ilaqtariinnullu tunngasut sapinngisamik pitsaanerpaamik ataqatigiissarneqarnissaat qulakkeerniarpaq, paasissutissanik paarlaasseqatigiinnissaq aamma

najukkami meeqqanut ilaqutariinnullu tunngatillugu immikkut ilisimasat illugiittut atorluarneqarnissaat suleqatigiissitap siunertarivaa.

Ataatsimiititaq sisamanik ilaasorta qarpoq:

- Meeqqanut Ilaqutariinnullu Ingerlatsivimmit sinniisoq ataaseq
- Meeqqat atuarfiannit sinniisoq ataaseq
- Peqqinnissaqarfimmiit sinniisoq ataaseq
- Politiiniit sinniisoq ataaseq

Paamiuni Oqartussaasoqarfiit Assigiinngitsunik Suliallit Suleqatigiiffianni ileqqoreqqusat 2012-imi TFU B&U-p ileqqoreqqusaatut suliaapput.

Aaqqiissutissatut siunnersuut – suliatigut naliliineq

Paamiuni suliat najukkami suliarineqartarniassammata Paamiuni TFU-mik pilersitsisoqarnissaa pitsaanerpaassasoq Meeqqanut Ilaqutariinnullu Ingerlatsivimmit nalilerneqarpoq.

Tamatuma saniatigut "Kommuneqarfik Sermersuumi meeqqat inuusuttullu pillugit isumaginninnermi suliani ataqatigiissarinermut suleqatigiissitamut ileqqoreqqusat" § 4, imm. 2 naapertorlugu, kommunimi illoqarfinni allani pisariaqartitsineq malillugu Suleqatigiissitaliortoqarsinnaavoq.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppermarsaatitalit

- o Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq.
- o Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, § 42 aamma § 54
- o Kommuneqarfik Sermersuumi meeqqat inuusuttullu pillugit isumaginninnermi suliani ataqatigiissarinermut suleqatigiissitamut ileqqoreqqusat

Ingerlariaqqinnissaq

Paamiuni TFU-mik najukkami pisariaqartitsinermut pissutaavoq suleqatigiissitap inissitsiterneqareemat, aamma TFU-mi ataatsimiinnerit ingerlanneqareerlutik.

Ileqqoreqqusat akuersissutigineqassappata, Kommuneqarfik Sermersuumi borgmesterimit aamma kommunaldirektørimit atsiorneqassapput kingornalu Isumaginninnermut, Ilaqutareeqarnermut Inatsisinillu Atuutsitsinermut Naalakkersuisumut akuersissutigisassanngortinneqassallutik.

Aningaasaqarnermut Allatseqarfimmit oqaaseqaatit

Ingerlatsiviup nalilerpaa, Aningaasaqarnermut Allatseqarfimmit oqaaseqaatinik pissarsiniarnissaq pisariaqanngitsoq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Ingerlatsivinnit allanit oqaaseqartitsiniartoqanngilaq.

Siusinnerusukkut aalajangernerit

Meeqqanut Ilaqutariinnut Ataatsimiititap 11. januaari 2021-mi aalajangernera:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap 14. januaari 2021-mi aalajangernera:

Inassuteqaat akuersissutigineqarpoq.

Ilanngussat

1. Kommuneqarfik Sermersuumi meeqqat inuusuttullu pillugit isumaginninnermi suliani ataqatigiissaarinnermut suleqatigiissitamut ileqqoreqqusat 12. juuni 2012-imeersut. (qallunaatut)
2. Paamiuni meeqqat inuusuttullu pillugit isumaginninnermi suliani ataqatigiissaarinnermut suleqatigiissitamut ileqqoreqqusat_siunnersuut

Punkt 04L: Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Beslutning

Lone Rosengreen Pedersen (IA) ataatsimiinneq qimappaa.

Inassuteqaat akuersissutigineqarpoq.

Bilag

Kommunimi ileqqoreqqusanut siunnersuut nutartigaq.

Nuup Kangerluani kommunimi ileqqoreqqusanut nunap assingi ilanngussat.

Nuup Kangerluani qipoqqarnik pisaqarnissamut pissaanissamullu inerteqqutinut tunngatillugu ileqqoreqqusaq

Aalajangiiffigisassaq

J.nr.: 75.20

Suliffeqarfimmut Kiffartuussivimmi ingerlatsivik – Kommunaldirektøri Lars Møller-Sørensen / LMS

Suliassamik eqikkaaneq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunalbestyrelsimut ilaasortaq Michael Rosing septembarip ulluisa 19-ianni 2019-imi kommunalbestyrelsimi aalajangiiffigisassatut siunnersuummik nassiussivoq.

Suliffeqarfimmut Kiffartuussivik Nuup Kangerluani qipoqqarnik arfernillu sumiiffinnaalinnik allangutsaaliuinermi ileqqoreqqusassamik siunnersuusiorpoq. Suliffeqarfimmut Kiffartuussiviup APNN-ip oqaaseqaatai massakkut iluarsineqareersut tiguai. Siunnersuut Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut akuerisassanngorlugu ingerlateqqinneqarpoq.

Suliaq aningaasaqarnermut Inuussutissarsiornermullu ataatsimiititap ulloq 14. Januaari 2021-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa, inassuteqaatini siulleq imatut allanguutitalerlugu: Nuup kangerluani qipoqqarnik pisaqarnissamut pissaanissamullu inerteqqutinut tunngatillugu Kommunimi Ileqqoreqqusassatut siunnersuut tusarniaassutigineqarnissaa akuersissutigineqassasoq, suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbetyrelsimut inassuteqaatigaa:

- Nuup kangerluani qipoqqarnik pisaqarnissamut pissaanissamullu inerteqqutinut tunngatillugu Kommunimi Ileqqoreqqusassatut siunnersuut tusarniaassutigineqarnissaa akuersissutigineqassasoq

Suliassamik saqqummiussineq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunalbestyrelsimut ilaasortaq Michael Rosing septembarip ulluisa 19-ianni 2019-imi kommunalbestyrelsimi aalajangiiffigisassatut siunnersuummik nassiussivoq.

Suliffeqarfimmut Kiffartuussivik Nuup Kangerluani qipoqqarnik arfernillu nikinnek ajortunik allangutsaaliuinermi ileqqoreqqusassamik siunnersuusiorpoq. Suliffeqarfimmut Kiffartuussiviup APNN-ip oqaaseqaatai massakkut iluarsineqareersut tiguai. Siunnersuut Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut akuerisassanngorlugu ingerlateqqinneqarpoq.

Aaqqiissutissatut siunnersuut – suliatigut naliliineq

Nuup Kangerluani qipoqqarnik arfernillu sumiiffinnaalinnik pisaqarnissamut pissaanissamullu inerteqquteqalernissaq pillugu kommunimi ileqqoreqqusaliorneq Kommuneqarfik Sermersuumi

qippoqqarnik piniarnerup tamarmi inerteqqutaalerneranik isumaqanngilaq - Ilanngussaq 2 naapertorlugu Nuup Kangeluanit taamaallaat atuutissaaq.

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitallit
Arfernik angisuunik illersuineq piniarnerlu pillugit Namminersorlutik Oqartussat nalunaarutaanni nr. 9, 6. december 2018-imeersumi kap. 10, §34 (Kommunit ileqqoreqqusaat).

Ingerlariaqqinnissaq
Kommunalbestyrelsip kommunimi ileqqoreqqusanut siunnersuut akuersissutigereerpagu tamanut tusarniaassutigineqassaaq.
Siunnersuut tamanut tusarniaassutigineqareerpat Aningaasaqarnermut Inuussutissarsiornermullu Ataatsimiititamut aammalu Kommunalbestyrelsimut akuersissutissanngorlugu nassiunneqassaaq. Namminersorlutik Oqartussat tamatuma kingorna inaarutaasumik akuersissutigalugulu tamanut saqqummiutissavaat.

Aningaasaqarnermut Allatseqarfimmit oqaaseqaatit
Oqaaseqaateqanngillat

Innuttaasunik peqataatitsineq/attaveqaqatigiinneq
Aningaasaqarnermut Inuussutissarsiornermullu ataatsimiititap aamma Namminersorlutik Oqartussat allannguutissat akuersissutigereerpatigut siunnersuut tamanut tusarniaassutigineqassaaq.

Ingerlatsivinnit allaniit oqaaseqaatigineqartut
Ingerlatsivinnit allanit oqaaseqartitsisoqarsimannngilaq

Siusinnerusukkut aalajangernerit

Aningaasaqarnermut Inuussutissarsiornermullu Ataatsimiititap 14. januaari 2021-mi aalajangernerit:

Inassuteqaat akuersissutigineqarpoq, inassuteqaatini siulleq imatut allannguutitalerlugu: Nuup kangerluani qippoqqarnik pisaqarnissamut pissaanissamullu inerteqqutinut tunngatillugu Kommunimi Ileqqoreqqusassatut siunnersuut tusarniaassutigineqarnissaa akuersissutigineqassasoq.

Ilanngussat

1. Kommunimi ileqqoreqqusanut siunnersuut nutartigaq.
2. Nuup Kangerluani kommunimi ileqqoreqqusanut nunap assingi ilanngussat.

Punkt 04M: Piginnittuunermut periusissamik toqqaanissamut inassuteqaat

Beslutning

Inassuteqaat amerlanerussuteqartunit akuerissutigineqarpoq.

Siumup ikinnerussuteqartutut oqaaseqaataa:

Siullermik una suliaq AIA-mi saqqummiunneqarmat Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 25 naammassineqanngilaq.

- Paasissutissat pingaarutillit ilaatinneqanngillat.
- Aningaasaqarnermut oqaaseqaatinik paasissutissanillu ilanngussanik soqanngilaq.

Tassami AIA kommunalbetyrelsemut inassuteqannginnermini paasissutissanik sukumiisunik tamakkiisunillu tunngaveqarluni inassuteqartussaavoq, tamanna pinngilaq.

Qulaani taasatta saniatigut kommunalbestyrelsemi ilaasortanut sukumiisumik peqataatitsinnginneq naammaginangilaq, minnerpaamik uuma suliaq ingerlanerani gruppimi siulittaasunut malinnaatsitsisoqartariaqarpoq.

Namminersorlutik Oqartussaniit kommunet inissianut tigusinissaannut paasissutissat tunngavigineqartut 2016-meerput tamannalu naammaginangilaq. Inissianik tigusinissami paasissutissat aningaasanullu attuumassutillit 2021-mi atuuttut tunngavigineqarnissaat piumasaraarput.

Taamaattumik kissaatigaarput Piginnittuunermut periusissamik toqqaanissamut inassuteqaat kinguartinneqassasoq sukumiinerusumik illuatugeriinniit (Kommune - Namminersorlutik Oqartussat) paasissutissat aningaasaqarnikkullu kingunissai qulaajarneqareerpata kommunalbestyrelsemut tamarmiusumut saqqummiunneqarlutik.

Ingerlariaqqinnissaq; tassunga tunngatillugu kissaatigaarput:

Oqartussanut PKG-mi ataatsimiinnissani gruppeformændinit malinnaatinneqarnissaanik piumasaqarneq.

Piginnittuunermut periusissamik toqqaanissamut inassuteqaat

Namminersorlutik Oqartussat inissiaataannik attartortittakkanik tigusinermi piginnittuunermut periusissamik toqqaaneq

Aalajangiiffigisassaq

J.nr.: 01.01.

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Marsip ulluisa pingajuanni 2020-mi Naalakkersuisut borgmesterilu inissiat pillugit isumasioqatigiipput marsillu ulluisa sisamaanni 2020-mi Politikkikkut Ataqatigiissaarisartoqatigiit (PKG) ataatsimiinneranni peqataallutik, tassanilu PKG-mi februaarip qaammataani 2016-imi ataatsimiinnermi tunngaviummik aalajangerneq attatiinnarneqarlunilu piviusunngortinneqassasoq isumaqatigiissutigineqarpoq. Tamatumalu tunniussinissamut atugassarititat najoqqutassallu ilanngullugit paasissutissatigut tunngavissaqarluarnikkut Namminersorlutik Oqartussat inissiaataannik kommuninut tunniussinissaq piareersarneqassasoq kingunerissavaa. Pisortat inissiaataanni aserfallatsaaliinissamut annertuumik kingulerussimanerit isumagineqarnissaat tassunga atatillugu qulakkeerneqassaaq. Tamatumunnga atatillugu inissiat kommuninut tunniunneqarpata siunissami piginnittuunermut periusissamik kommunit ataatsimoorlutik ilaatigut toqqaassapput.

Kommuneqarfik Sermersooq periutsinik pingasunik siunnersuuteqarumaartoq sap. ak. 40-mi ataatsimut ataatsimiinnermi aalajangiunneqarpoq.

Ataasiakkaanut periuseq tassaavoq kommunimi allaffissornikkut immikkoortortanik tallimanik immikkoortunik (ingerlatseqatigiiffittut iluseqarsinnaasunik) arlaannaatigut ataatsimoorfiunngitsunik imalik

Assigiimmik pisussaaffeqarnermut periuseq tassaavoq kommuninik tallimaasunik nuna tamakkerlugu ingerlatseqatigiiffimmut ataatsimut pigineqartumut inissiat tunniussat amerlassusaannut naleqqussakkamik piginneqataatitsisumut inissiaatiminnik tunniussaqaartartunik imalik

Isumalluuteqarsinnaanermut periutsimiippoq kiffartuussinissamut ingerlatseqatigiiffik ataatsimut pigineqartoq, tassanilu kommunit ataasiakkaat/kommunimi ingerlatseqatigiiffiit kiffartuussissutinik sunik atuerusunnerlutik aalajangersinnaapput (IT, inissianik ingerlatsineri akiliisitsiniartarfik, piffissami aalajangersimasumi pilersaarusiukkamik aserfallatsaaliuinerit aamma teknikkikkut kiffartuussineq)

Suliaq Aningaasaqarnermut Inuussutissarsionermullu Ataatsimiititap ulloq 14. Januaari 2021-mi ataatsimiinnerani oqaluuserineqarpoq, inassuteqaat amerlanerussuteqartunit akuersissutigineqarpoq, suliarlu Kommunalbestyrelsimut akuersissutigisassanngorlugu ingerlateqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbetyrelsimut inassuteqaatigaa:

- Namminersorlutik Oqartussat inissiaataat Kommuneqarfik Sermersuumiittut kommunimut tunniunneqassappata isumalluuteqarsinnaanermut periuseq piginnittuunermut periusissatut toqqaarneqassasoq

Suliassamik saqqummiussineq

Inatsisitigut aningaasanullu inatsisitigut kingunerisassai eqqarsaatigalugit Inatsisartutigut akuersissutigisassamik Kommunalbestyrelsini Naalakkersuisunilu aalajangiinissamut tunngavissaliornissaq Namminersorlutik Oqartussat kommunillu akornanni allaffissornikkut pisortani ataatsimut suleqatigiissitamit suliarineqassasoq PKG-mit isumaqatigiissutigineqarpoq. Kommuninit tamanit kommunaldirektørit aamma naalakkersuisoqarfiit susasaqartut pisortani ataatsimut suleqatigiissitamiipput . Ineqarnermut Attaveqatigiinnermullu Naalakkersuisoqarfiup suleqatigiissitami allatseqarfeqarneq isumagisarivaa.

Namminersorlutik Oqartussat inissiaataat attartortittakkat kommuninut tamanut ataatsikkut tunniunneqarnissaat attanneqassasoq, tamannalu januaarip ulluisa aallaqqaataanni 2022-mi pissasoq isumaqatigiissutigineqarpoq.

Kingulerussimanerit kingunerisaanillu ajoqusernerit pinngitsoortinniarlugit inissiat ingerlanneqarnissaannik naammattumillu aserfallatsaalisarnissaannik qulakkeerinnittumik inissiat attartortittakkat siunissami aningaasatigut imminnut napatinnissaat tunniussinermi najoqqutaallunilu tunngaviusaaq. Taamaammat pisortani ataatsimut suleqatigiissitaq siuliani taaneqartoq najoqqutassanik tullinnguuttunik atuutsitsilernissamut piffissap ingerlanerani atuukkiartuaartussamut sukumiisumik siunnersuusiussaaq:

- ✓ Ingerlatsinermik kiisalu naammaginartumik inissianik aserfallatsaanissamik qulakkeerisumik, pisortat inissiaataat aningaasaqarnikkut nammineq napatinninnaassasut.
- ✓ Aalajangiinerit ingerlatsinermut tunngassutillit inissiat nalinginik pingaartitsinermik qulakkeerinissaq pillugu anguniagaasunit aalajangiunneqartassasut (Akuliuttannginnissamik tunngavik).
- ✓ Pisariaqartitsinernaanut pisortat inissiaataannik pilersuinissamik anguniagaqarneq (isumaginninnikkut salliutitsineq)
- ✓ Innutaasut akiliisinnaalluartut inissianik namminneq pilersorsinaanerulerniassammata, innuttaasunut inissianik pilersuinissamut pisortat akisussaaffiat piffissap ingerlanerani arriitsumik anikillisikkiartorneqassasoq.
- ✓ Inissiat ullutsinnut naleqquttuussasut ajoquteqassanngitsullu.
- ✓ Inissiat sumiiffimmi inuiaqatigiit allaaserisaanerannik aallaaveqassasut, taamaalilluni inissiat nalinginnaasut inissiallu tamatigoortut (utoqqarnit inuusuttunillu) atorneqarsinnaasut amerlassusaat naapertuutissammata.

Aaqqiissutissatut siunnersuut – suliatigut naliliineq

Kommunimi inissiaatit ataatsimut isigalugit attartortitsinermut, allaffissornikkut aqutsinermut, ingerlatsinermut aserfallatsaaliuinerimullu atatillugu imminnut ikiornissamut tapersersoqatigiinnikkullu suleqatigiinnissamut kommunit pisussaatisinissaat pingaaruteqarpoq.

Soorlu taaneqareersaq isumalluuteqarsinnaanermut suleqatigiinnissamullu periuseq ingerlatseqatigiiffimmik ataatsimut pigineqartumik kommuninik imaluunniit kommunit inissiaatileqatigiiffiinik kiffartuussisinnaasumik tunngaveqarpoq.

Isumalluuteqarsinnaanermut periutsimi kommunit ataasiakkaat arlallilluunniit sulianik aalajangersimasunik, ajornartorsiutinik aalajangersimasunik periutsinilluunniit aalajangersimasunik suliarinninnissamut immikkut ilisimasaqartut ingerlatseqatigiiffimmik ataatsimut pigineqartumut kiffartuussisinnaanissaat taamaalillutillu kommuninut allanutaaq kiffartuussisinnaanissaat tunngavigineqarpoq.

Periuseq kommunit ataasiakkaat ineqarnermut politikiminni anguniakkaminnik angusaqarnissaannik tapertaallunilu ikiuutaassaaq. Ingerlatseqatigiiffimmi ataatsimut pigineqartumi isumalluuteqarsinnaanermut periuseq kommunit ataasiakkaat/kommunip ingerlatseqatigiiffii ingerlatseqatigiiffimmit ataatsimoorullugu pigisamit kiffartuussinernik sorlernik atuisanerlutik pisisassanerlutilluunniit aalajangertassagaat isumaqarpoq.

- ✓ Aaqqissugaaneq: Ingerlatseqatigiiffimmik ataatsimut pigisamik pilersitsinermi kommunit ataasiakkaat namminneq inissiaatitik pigiinnassavaat. Aamma kommunit ataasiakkaat nammineq inissiaatiminnik qanoq annertutigisumik ingerlatsissanerlutik/kiffartuussissanerlutik toqqarsinnaavaat. Ilaat soorunami ingerlatseqatigiiffimmit kiffartuussiffiusumit kiffartuussissutinik amerlasuunik pisissapput, allallu ikinnerusunik pisillutik.
- ✓ Aningaasaqarneq: Ingerlatseqatigiiffittut kiffartuussivik tamatigut ataavartumillu akitigut uuttortarneqartassaaq, kommune nammineq ingerlatsilluni/kiffartuussilluni pinissaanut sanilliullugu. Allatut oqaatigalugu, ingerlatseqatigiiffik kiffartuussiviusoq akitigut pitsaassutsikkullu unamillersinnaassutsikkut uuttortarneqartuassaaq.
- ✓ Aningaasatigut patajaassuseq: Inissianik amerlakannersunik kiffartuussinermi sivisuumik isumaqatigiissusiorfigisat tunngavigalugit, ingerlatseqatigiiffik patajaallunilu qajannaatsuusaaq.
- ✓ Sulisut: Nuna tamakkerlugu kiffartuussiveqarnikkut sulisut ilinniarsimasut pilersinneqarlutillu sulisussarsiarineqarsinnaalissapput, pisariaqartitamik tunuliaqutallit, taamaasillutillu pisariaqartinneqartunik ilinniarsimasut pissarsiarineqarsinnaalissallutik.
- ✓ Atorfiit qanoq ittut: Nuna tamakkerlugu angisuumik kiffartuussiveqarnikkut immikkut ittumik ilisimasallit sulisorineqarnerussapput, suliatigullu attaveqaatit pisariaqartinneqartut pilersinneqassallutik.
- ✓ Allaffissorneq: Najugaqarfinnik amerlasuunik allaffissornikkut ingerlatsineq pitsanngorsarneqarsinnaassaaq aaqqissuussiffiqineqarlunilu, kommunimi inissianik piginnittunik ataasiakkaanik ikorfartuisussanik. Nuna tamakkerlugu angisuumik kiffartuussiveqarnikkut allaffissorneq tamaat eqqarsaatigalugu malunnaatilimmik iluaqusiisuusaaq.
- ✓ Ingerlatsineq: Inissianut ingerlatsinermi kiffartuussinikkut siullertut malunnaatilimmik iluaqusiisoqarnissaa anguneqarsinnaavoq. Aammalu nuna tamakkerlugu pisiniartarnermut kiffartuussinermullu isumaqatigiissuteqarnikkut soorlu toqqortaateqartussaataaneq assigalugu aamma nukissanik atuineq pitsanngorsaaffiqineqarsinnaavoq.
- ✓ Teknikkikkut piginnaasat: Nuna tamakkerlugu teknikkikkut kiffartuussiveqarnikkut ajornangitsumik teknikkikkut piginnaasallit pisariaqartut pilersinneqarsinnaapput peqatigitillugulu immikkut ilisimasalinnik inissaqartitsineq aammalu suleqatigiikkuutaanik nukittuunik peqarnissaaq. Aamma teknikerit kommuninut ataasiakkaanut angalatillugit aalajangersimasunik suliaqariartortinneqarsinnaasassapput.
- ✓ Qarasaasiaqarneq inissianillu ingerlatsineq Nuna tamakkerlugu kiffartuussivimmit qarasaasiaqarnikkut kiffartuussinernik pisinikkut ingerlatsinikkut kiffartuussinikkullu isumannaatsuuneq anguneqarsinnaavoq. Aamma pikkorissarnernik pilersitsinissat ajornannginnerulissapput/akikinnerulissapput, taavalu qarasaasiaqarneq nutartertuarneqarluni.
- ✓ PPV-mik pilersaarutit: Nuna tamakkerlugu kiffartuussivimmit pisinikkut malunnaatilimmik oqiliiallaataallunilu pitsaassutsimut iluaqutaassaaq.
- ✓ Ilisimasanik eqikkaaneq Nuna tamakkerlugu immikkoortoq angisooq ilisimasanik tamanut tunngasunik aaqqissuussamillu katersiffiusinnaavoq, taamaattumillu aserujasuunani imaluunniit sulisut taarserneranni ilisimasanik annaasaqarfiunani.
- ✓ Misilittakkanik tunngaveqarneq: Nuna tamakkerlugu immikkoortortaangisooq ilisimasanik katersinissamut nukissaqarpoq aammalu allanik ilisimasanik misilittakkanillu

paarlaasseqatigiiffiusinnaalluni. Matumani pineqarput erseqqissumik aammalu BygErfa-mi peqataanikkut tamanut tunngasunik paarlaasseqatigiinnerit.

- ✓ Suliassat peqataatitsinermut tunngasut: Nuna tamakkerlugu kiffartuussivik nammineq inissianik attartortittakkanik pigisaqanngilaq. Ingerlatseqatigiiffik pilersinneqarpoq kommunit imaluunniit kommunit ingerlatseqatigiiffiisa inissiaataannik, kommunit allaffissornikkut kiffartuussiffigissallugit, siunnersortaanermik aammalu teknikkikkut ikiorsiinermik ingerlatsiffigissallugit.

Inerniliineq: Tassaavoq erseqqissumik periuseq nukissanik tunngavilik immi pingaaruteqarluinnartoq. Periutsemi aaqiissutaasup qitiusunngortinnissaanik suliassallu siammarternissaanik tunngaveqarpoq.

Periutsemi inissianut tunngatillugu aammalu nuna tamakkerlugu kiffartuussivimmit allaffissornikkut pisinermut tunngatillugu kommunit 100%-imik aalajangiisinnaassuseqarnerat aalajangiusimaneqarpoq. Tamanna atuuppoq inissiat kommunimit ingerlatseqatigiiffimmilluunniit aaqiissuusaanerat apequtaatinnagu.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppermarsaatitallit
Soqanngilaq.

Ingerlariaqqinnissaq
Aalajangiunneqartoq kommuninut allanut Namminersorlutillu Oqartussanut PKG-mi ataatsimiinnissami nalunaarutigineqassaaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq
Soqanngilaq.

Ingerlatsivinnit allaniit oqaaseqaatigineqartut
Ingerlatsiviit attuumassuteqartut peqataatinneqareerput.

Siusinnerusukkut aalajangiinerit
Aningaasaqarnermut Inuussutissarsiornermullu Ataatsimiititap 14. januaari 2021-mi aalajangenera:
Inassuteqaat amerlanerussuteqartunit akuersissutigineqarpoq.

Siumumit inassuteqaat siulleg imatut oqaaseqaatitalerlugu akuersissutigineqanngilaq: massakkumut saqqummiunneqartut ersernerlummata, qulaajagassat aningaasartuutissallu takussutissaqanngimmata, Siumumit kissaatigineqarpoq oqaluuserisassap Kommunalbestyrelsemi sammineqannginnerani immikkut ittumik sammisaqarnissaa kissaatigineqarpoq.

Ilanngussat
Soqanngilaq.

Punkt 04N: Pilersuisup eqqaata asfalterneqarnissaanut siunnersuut, Taasilaq

Beslutning

Inassuteqaat amerlanerussuteqartunit akuersissutigineqarpoq.

Bilag

Kommunalbestyrelsemut ilaasortat suliniuteqarneranni immersugassaq

Pilersuisup eqqaata asfaltilersorneqarnissaanut siunnersuut, Taasilaq

Kommunalbestyrelsimut ilaasortap Lund Kukop (S) siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunalbestyrelsimut ilaasortaq Lund Kuko (S) ulloq 21. decembari 2020 Kommunalbestyrelsip aalajangiiffigisassaatus siunnersuummik nassiussivoq. Lund Kukop kissaatigivaa kommunalbestyrelsip Tasiilami Pilersuisup eqqaata asfaltilersorneqarnissaanut periarfissaq eqqartussagaa.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- siunnersuut itigartitsissutigineqassasoq

Suliassamik saqqummiussineq

Kommunalbestyrelsimut ilaasortaq Lund Kuko (S) ulloq 21. decembari 2020 Kommunalbestyrelsip aalajangiiffigisassaatus siunnersuummik nassiussivoq. Lund Kukop kissaatigivaa kommunalbestyrelsip Tasiilami Pilersuisup eqqaata asfaltilersorneqarnissaanut periarfissaq eqqartussagaa.

Siunnersuuteqarnermut tunngavilersuut:

"Naluneqanngitsutut Tasiilami KNI Pilersuisup eqqaa sioraannaavoq, kalaaliminernillu tuniniaaffigineqartarluni aasaq naallugu. Taamaattorli sila anorlilaartillugu pujoralannik sussaasarnani, biilit angallattut pinerit tamaasa pujoralannik siammarteriuaannarlutik. Kalaaliminernik tuniniaaviliortoqassappat sanaartortoqassappat sumiiffik pujoralatsinnaveersaassappat asfaltilersorneqarnissaa avaqqussinnaangilarput. Tunisassiarineqartussaq pissusissamisut inunnit pisiarineqarsinnaaqullugit eqqiluisaarneq eqqarsaatigalugu."

Siunertaq:

"Tunngavilersuutigissavakka makkua

Sumiiffik sioraannaasumi biilit inuillu angallattuarterput taavalu pujoralak oqitsuaranngortarluni aasakkut, Sumiiffik angallanneq anorilu peqqutigalugit pujoqqertarpoq. Tamakku pinaveersaarniarlugit asfalterneqarnissaa ullutsinnut naleqqunnerussasoraara."

Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq (aqutsinermut inatsit)
 - § 13. Kommunalbestyrelsimut ilaasortap kialuunniit kommunip susasaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutini saqqummiussinnaalluni. Ataatsimiititaliat borgmesterilu paasisutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Sanarfinermut Avatangiisinullu Ingerlatsivimmiit inassuteqaammut tunngavilersuutigineqarpoq:

Siunnersuut Kommunalbestyrelsip Tasiilami annertuumik asfaltilersuinissaq pillugu aalajangiisimaneranut naapertuuppoq, taamaattumik aningaasartuutit missingersuutitut

ilanngunneqareerput. Tamanna tungavigalu siunnersuutip itigartitsissutiginnissaa innersuussutigineqarpoq.

Ingerlariaqqinnissaq

Kommunalbestyrelsip aalajangenera Aqutsisoqatigiit Allatseqarfianit allaffissornikkut suliarineqassaaq.

Ilanngussat

1. Kommunalbestyrelsemut ilaasortat suliniuteqarneranni immersugassaq

Punkt 04O: Kommunalbestyrelsip sinnisussatut allattorsimaffianit tunuarniuteqarneq

Beslutning

Michael Rosing (At) ataatsimiinneq qimappaa.

Inassuteqaat akuersissutigineqarpoq.

Bilag

Tillie Martinussenip Kommuneqarfik Sermersuumut saaffiginnissutaa

Kommunalbestyrelsip sinniisussatut allattorsimaffianit tunuarniuteqarneq

Tillie Martinussen (D)

Aalajangiiffigisassaq

J.nr.: 01.01.05

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Tillie Martinussen (SAM) Kommunalbestyrelsip sinniisussatut allattorsimaffianit tunuarnissani kissaatigaa.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Tillie Martinussenip Kommunalbestyrelsip sinniisussatut allattorsimaffianit tunuarnissamut qinnuteqaataa akuerineqassasoq

Suliassamik saqqummiussineq

Tillie Martinussenip Kommunalbestyrelsimut Kommunalbestyrelsip sinniisussatut allattorsimaffianit tunuarnissaminut qinnuteqaatini nassiuppaa.

Tillie Martinussenip Kommuneqarfik Sermersuumut imatut ilisimatitsissuteqarpoq:

"(..) Matumuuna kommunalbestyrelsimi piginnaatitaanera sinniisuuneralu atorunnaarsikkumallugit qinnutigivara taamaattumillu kommunimi politikeritut tunuarlunga. (..)"

Aaqqiissutissatut siunnersuut – suliatigut naliliineq

Naalackersuisut Siulittaasuata Naalackersuisoqarfiani Nunami Namminermi Pissutsinut Allaffeqarfiup, sinniisutut allattorsimaffimmit tunuarneq immikkut ittumik inatsisini malittarisassaqaanngimmat, qinersinermut inatsimmi § 54 imm. 1-2, tassa kommunalbestyrelsimut ilaasortat tunuarniuteqarnerannut malittarisassat, aallaavigineqartariaqartut ilisimatitsissutigaa. Tunuarniuteqarneq tusaatissatut tiguneqassanersoq Kommunalbestyrelsimit nalilerneqassaaq.

§ 54 imm. 1-2 allaqqavoq:

"Ilaasortaq qinigaaffiup iluani kommunalbestyrelsimut tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Imm. 2. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq."

Maannakkut Tillie Martinussen demokraatit sinniisussat allattorsimaffiani normu 1-itut inissisimavoq. Kommunalbestyrelsip akuersineratigut, Demokraatinut sinniisussatut allattorsimaffik ima isikkoqassaaq:

1. Michael Clasen

Tillie Martinussen aallaqqaammut Kommunalbestyrelsimut demokraatinut sinniisussatut allattorsimaffiannut qinerneqarpoq, kingornatigullu Suleqatigiissitsisunik partiini taarserlugu.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. decembari 2012-meersoq (qinersinermut inatsit)
- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq. (aqutsinermut inatsit)

Ingerlariaqqinnissaq

Kommunalbestyrelsip aalajangenera pillugu Tillie Martinussen ilisimatinneqassaaq.
Kommunalbestyrelsip akuersineratigut, Tillie Martinussen sinniisussat allattorsimaffianit peerneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq

Ilanngussat

1. Tillie Martinussenip Kommuneqarfik Sermersuumut saaffiginnissutaa

Punkt 5: Taasariaqartut allat

Beslutning

Soqanngilaq.

Punkt 6: Lukket

Punkt 7: Imaqarniliap akuerineqarnera

Beslutning

Imaqarniliaq akuerineqarpoq nal. 16:55